

初等小學用

中國歷史讀本

上海商務印書館印行

初等小學中國歷史讀本敘

三九二〇

余既編輯初等小學堂歷史讀本。客或尤之曰。今之爲是書者衆矣。子又從而益之。是亦不可以已乎。余告之曰。子獨不見漢人之治經。經同而家法異。宋人之論性。性同而學派異。然卒不聞後之人宗鄭而棄馬。宗朱而棄陸者。蓋人之讀書。其精神意識。各有所至。從而褻之。以爲一家之言。苟非庸下不足比數。識者未嘗不欲過而存之。余今取人所已爲者。法其所長。而去其所短。以自附於一得之末。客何過之深也。則且言余所以爲是書之意可乎。大凡編史之法。約有數蔽。史載上下數千年之事。卷帙浩繁。讀者恆昏然不知所用。力而約以爲書者。又往往經緯不分。根節無辨。不解逐層相承。隨步相應之法。名爲簡明。簡則簡矣。明則未也。其蔽一也。雅事韻詞。聞者色喜。而無與於一朝治亂安危之故。祇足爲治詩賦者之所取資。其體近於古之所謂類書。今之所謂詞典。資談噓則有餘。廣學識則不足。其蔽二也。上世之書。好談神怪。其事已爲聖人之所不言。而猶塵瀆簡端。津津不已。若取其娛目騁懷。則搜神



3 2168 0175 7

6624.4
36

博異之編。前古多有。何取於是。其蔽三也。古之名臣碩士。其嘉言讜論。炳若日星。琅環可誦。而無如限於篇幅。勢不能登。而或不能割愛。妄意裁截。首尾不具。反致晦塞。其蔽四也。數十年來。風會各殊。有不知其所以然者。譬如一日之間。自爲朝莫。一年之內。自爲寒暑。此祇宜臚列故實。使人自得於心。今必畫爲界限。某時至某時爲上古。某時至某時爲近古。某爲開化時代。某爲競爭時代。區別太嚴。反滋窒礙。此如論唐人之詩。不問其工拙。而汲汲於初盛中晚之分。而問以四者以何年而分。恐亦茫然不能答也。且初盛之詩。固有似中晚者。中晚之詩。亦有似初盛者。此亦不過言其大概可矣。此之不知。其蔽五也。訓蒙之法。在鼓其興趣爲上。故彖象之文。非不古也。性命之說。非不純也。而不妨少待焉者。知其性之所不近故也。今之歷史讀本。往往限於字數無多。力求省句。甚至一卷之中。祇足以記名姓具時代而已。而於古事之赫赫軒天地者。或缺然而不之及。卽及焉。不過寥寥數語。其體殆如呼名之吏。手捧文冊。詳其籍貫。載其年貌。而他。不問也。讀史如是。尙何鼓其興趣之有。其蔽六也。格

致之學。自有專書。今以取爲點綴之觀。略舉一二。挂漏實多。反彰其陋。其蔽七也。綴詞之體。因時而異。其兩不相涉者。古之不可施之今。猶今之不可施之古。世之通人。好矜咳治。每以新譯名詞。用之史籍之內。雖其隨事比附。非不甚工。然讀者駭之。竟不辨此語從何而起。其蔽八也。鄙人學術閹陋。於乙部之書。略涉其藩。未嘗深入其奧。今爲是書。深愧龔鄙無文。然於八者之爲害。則如戒律之嚴。所不敢自言而自蹈之也。客曰。子之言辨矣。然而學境無盡。自知實難。焉知此書之出。不又有從而訾之者。余曰。固也。余糾昔人之失。正使後人糾余之失。糾之不已。而從而是正之。則庶乎其爲善本者近之矣。



例言

一 此篇纂輯中國歷史要事。專爲初等小學堂讀本後二年之用。分爲上下二卷。共二百餘篇。每篇不過二百字。其事實較多者。又於一篇中分爲數節。以便於講習之用。

一 卷端列總敘一篇。先明吾中華國於何所。及數千年來分合之大概。

一 三皇以上。荒遠難知。今從 御批通鑑輯覽之例。以伏羲氏爲始。

一 每朝享年長短。各書所載。互有不同。或就僭號時言。或就卽位時言。或就大局平定後言。今將齊氏歷代帝王年表。陸氏年諱譜。參酌用之。於每朝之末。載明共若干年。以後再編高等小學堂歷史。中學堂歷史。均以此爲定。不敢參差互出。

一 每朝之末。詳列一表。凡世次之先後。可以一覽而知。他如晉之十六國。五代之十國。俱列爲一表附後。

一 遼金元三史人名地名。既經譯出。聲既不同。字亦互異。今一一從其舊名。俾將來所讀之書。悉得以先入爲主。不至茫然無據。

初等小學中國歷史讀本目錄

卷一

總敘 六節

五帝時代 六節

夏始末 二節

夏世系表

商始末 二節

商世系表

周之先世 二節

周得天下 二節

成康之治

宣王中興

周室東遷

五霸迭興 二節

春秋人才

吳越寔強

孔子事蹟

七國爭衡

蘇張縱橫

孟子事蹟

秦之先世 二節

周室之亡

周世系表

秦得天下 二節

秦失天下

秦世系表

楚漢分爭 三節

漢得天下 二節

呂氏之禍

文帝之立

文景之治

七國之亂

武帝邊功 二節

巫蠱之獄

昌邑之廢

孝宣之治

王莽篡漢 二節

光武中興 二節

明章之治

佛法入中國

匈奴降漢

平定西域

黨錮之獄

董卓之亂

東漢之亡

漢世系表

蜀始末 三節

魏始末 二節

吳始末 附三國世系表

晉氏初興

八王之亂

懷愍蒙塵

五胡之亂 附十六國興亡表

元帝渡江

桓溫廢立

肥水之捷

桓元篡位

東晉之亡

晉世系表

宋始末 二節

齊始末

梁始末 三節

陳始末

宋齊梁陳世系表

北魏始末 三節

北齊始末

北周始末

北魏北齊北周世系表

隋氏代周

煬帝亡隋 二節

隋世系表

李唐之興

太宗平內難

貞觀之治

貞觀邊功

武韋之禍 二節

元宗功業不終

安史之亂 二節

藩鎮跋扈

朱泚之亂

憲宗中興

再失三鎮

甘露之變

李德裕相武宗

宣宗復河湟

黃巢之亂

唐室之亡

唐世系表

五代相繼

後梁始末

後唐始末 二節

後晉始末

後漢始末

後周始末 二節

五代世系表

十國竊據 附十國興亡表

契丹之興

卷二

趙宋之興 二節

德昭廷美之死

宋遼交兵

澶州之盟

天書之妄

用兵西夏

神宗變法

哲宗紹述

宋業始衰

金代之興

遼國之亡

徽欽北狩

高宗南渡

吳玠守蜀

劉豫據汴

紹興和議

金亮南侵

孝宗圖恢復

光宗內禪

韓侂胄伐金

蒙古之興

金人遷汴

蒙古平西域

蒙古滅夏

蒙古滅金

遼世系表

金世系表

夏世系表

蒙古拔都西征

蒙古滅宋 二節

宋世系表

元世祖之立

東南用兵

海都之叛

武仁繼立

文宗篡立

元末羣盜

元末內訌

順帝北去

元世系表

明代之興 二節

靖難兵起

用兵安南

成祖北征

土木之變

英宗復辟

孝宗之治

宸濠之反

大禮之議

嚴嵩當國

沿海倭患

議復河套

俺答封貢

江陵相業

神宗建儲

大清之興

光宗嗣立

魏忠賢亂政

遼事之壞 三節

大清平朝鮮

流寇亡明

明世系表

大清定鼎

平定江南	平定福建	平定雲南
平定三藩	平定臺灣	親征準部
俄人盟約	西南夷改流	平定金川 <small>二節</small>
蕩平準部	平定回疆	用兵緬甸
用兵安南	綏服西藏	削平教匪
平蔡牽	平天里教	平張格爾
禁煙開釁	粵匪之亂 <small>二節</small>	英法入犯
平定捻匪	平定回匪	中法之役
中日之役	戊戌訓政	拳匪之亂
兩宮回鑾	俄日之戰	預備立憲
國朝世系表		



初等小學中國歷史讀本卷一

總敘

太古之初。民風沕穆。人與禽獸不甚異。迨其後智識日增。勢力日進。凡禽獸之有齒革羽毛。皆可取以爲用。而其悍戾能爲害者。亦設有器械足以相制。遂雄居於百族之上。

人類既衆。則其事務亦日以繁。於是各推一治事之人。以爲之長。卽部族中之有酋長是也。其後有神靈者出。衆酋長各率而歸之。因合衆小部族而成一大部族。而君天下之名以立。

地球之大。分爲五大洲。亞細亞居其一。中國在亞細亞洲之東。亞洲不止一中國。而中國地最廣。人最多。居全洲十之七八。號爲大國。

中國之立。自太古以來。約五千餘年。其可得而稽者自五帝始。

五帝之後。曰夏商周三代。自三代以上。皆爲封建之世。所謂封建者。諸侯各有其土地人民。以屬於天子是也。

秦繼周而起。始變封建爲郡縣。所謂郡縣者。凡土地人民悉歸於天子。天子自遣人治之。隨時更易。與封建之世。可以傳之子孫者。不同。此制傳至今相沿不改。

秦之後爲漢。自漢以上。皆爲一統之國。漢之亡分爲蜀魏吳三國。至晉復合於一。後分爲南北。在南者曰宋。曰齊。曰梁。曰陳。謂之南朝。在北者。曰魏。魏末又分爲二。曰北周。曰北齊。謂之北朝。周滅齊。隋篡周。滅陳。南北始合。唐滅隋有天下。唐之末爲五代。曰後梁。後唐。後晉。後漢。後周。皆不久而亡。而四方各有割據之國。宋興。諸割據之國皆滅。而北有遼。遼滅於金。金復滅於元。元併宋而有之。明滅元。其亡也。我大清遂一統而有天下。

五帝時代

太古之世。相傳有盤古氏。繼之者。爲天皇氏。地皇氏。人皇氏。謂之三皇。然皆事跡不可攷。今編是書。斷自五帝始。五帝者伏羲氏。神農氏。軒轅氏。堯舜氏也。

太昊伏羲氏。風姓。都陳。始畫八卦。卦有三爻。重之爲六十四卦。爲易義所託始。故後世所傳書籍。以易爲最古。時民不曉養生之具。太昊乃教之佃漁畜牧。取百物以自給。時未有文字。有事則結繩以記之。太昊始教之爲書契。以紀百事。時男女無別。太昊爲之定嫁娶之禮。民始知有夫婦。伏羲氏後歷十五帝而神農氏作。

炎帝神農氏。姜姓。起於烈山。故又謂之烈山氏。都陳。後遷曲阜。時民食禽獸之肉。不知稼穡。炎帝教民斲木爲耜。採木爲耒。以

藝五穀。而農事以興。民有疾病。不知醫藥。炎帝乃辨草木之性。著方書以示用藥之法。或傳今之本草。爲神農氏作也。列廛於國。日中爲市。民始知交易之法。是爲商業之始。炎帝崩。八傳至榆罔。政衰。而軒轅氏作。

黃帝軒轅氏。神農時諸侯少典之子。姬姓。生於軒轅之邱。故曰軒轅氏。國於有熊。時蚩尤作亂。榆罔不能制。黃帝與戰於涿鹿。斬之。諸侯奉爲天子。命倉頡制六書。轉象註形指聲本段會借造中國之有

文字自此始。又命大撓作甲子。容成作歷。隸首作算。伶倫作律呂。與岐伯問答。作內經論醫病之法。黃帝元妃曰嫫祖。教民育蠶。凡人生利用厚生之道。多出於是時。其後歷少昊金天氏。顓頊高陽氏。帝嚳高辛氏。而至帝堯帝舜。是爲唐虞之世。

帝堯陶唐氏。又曰伊耆氏。高辛氏之子都平陽。命羲和治歷象。

始置閏法。每歲十二月。三百六十有六日。不至三百六十日。積爲閏月。凡五歲再閏。時洪水爲災。使鯀治之。不效。復命其子禹繼父業。凡八年而功成。堯有子曰丹朱。不肖。乃舉舜而讓以位。堯崩。舜卽位。是爲有虞氏。

帝舜有虞氏。姚姓。都蒲坂。有臣五人。陶 禹 伯 益 皋無爲而天下治。三苗作亂。征而服之。有子曰朱均。亦不肖。乃用陶唐故事。讓位於禹。舜巡守至蒼梧而崩。禹立。是爲夏后氏。由唐至夏。皆以相禪得國。後人謂之揖讓之世。


夏始末

夏禹姒姓。顓頊氏之孫。都安邑。改稱王。自顓頊之世。分天下爲九州。舜相堯。析爲十二州。至夏復爲九州。取九州之金。鑄以爲鼎。是爲九鼎。嘗大會諸侯於塗山。執玉帛者萬國。禹之子啓賢。

禹欲禪位於益。及崩。諸侯奉啓卽位。自是以後。皆以世相及。不復行禪讓之事矣。

諸侯有扈氏不服。啓伐之。大戰於甘。遂滅有扈。啓崩。子太康立。盤遊無度。有窮氏之君后羿拒之於河。太康崩。弟仲康立。政自羿出。仲康崩。子相立。爲羿所逼。遷於商邱。羿之臣泥殺羿弑相。后緡氏有女仍方娠。歸於有仍。生少康。少康既長。而賢。夏有遺臣曰靡者。奉之。興兵誅泥。及其二子。豷夏道復興。十一傳至癸。號曰桀。寵有施氏女曰妹喜。賢臣曰關龍逢諫。殺之。商湯來伐。桀師敗。奔於南巢。三年而死。自禹卽位。至亡。凡十七主。共四百三十九年。

夏世系表



皋^{十五} — 發^{十六} — 癸^{十七}
 商始末


商湯子姓。契後。名履。世封於商。及即位。因以爲有天下之號。徙都於亳。有伊尹者。莘人。耕於野。湯聞聘之。薦之。桀不受。復歸於湯。卒佐湯有天下。時大旱七年。湯禱於桑林。以六事自責。不致



太甲立。

太甲立不賢。伊尹居之於桐。三年。太甲悔過。伊尹奉之歸亳。太

甲益修德。諸侯皆服。十餘傳至盤庚。改國號曰殷。盤庚三傳至武丁。得傳說爲相。鬼方恃固不服。伐之。三年而克。五傳至武乙。無道。又三傳至受辛。號曰紂。紂娶有蘇氏女。曰妲己。嬖之。嘗爲銅柱以膏塗之。加於爇炭之上。使有罪者緣焉。與妲己觀之。以爲笑樂。謂之炮烙之刑。嘗殺比干。囚箕子。微子知紂不可諫。乃去之。周西伯發來伐。與戰於牧野。不勝。遂登鹿臺自焚以死。自湯即位至亡。凡二十八主。共六百四十四年。自商與周皆以兵得天下。後人謂之征誅之世。

商世系表





周之先世

周姬姓。高辛氏之後。高辛氏元妃曰姜嫄。生棄。舜時爲后稷。敎民稼穡。封於郃。子孫世其業。至不窋。值夏衰。失其官。竄於戎狄。其孫公劉。遷於邠。復修后稷之業。八傳至古公亶父。爲戎狄所迫。遷於岐。始號曰周。古公子長曰泰伯。次曰仲雍。三曰季歷。季歷生子曰昌。有聖德。古公欲傳位季歷。以及昌。泰伯知之。乃與

仲雍竄之荆蠻。卒立季歷以及昌。是爲文王。

紂納崇侯之譖。執昌囚之羑里。昌之臣竭國中珍寶及良馬以獻。紂喜而赦之。仍爲西伯。得專征伐。遂伐密伐崇。遷都豐邑。嘗出獵。得呂尙以歸。尊爲尙父。

周得天下

武王發文王子。伐紂滅之。乃卽天子位。都鎬。大封諸侯。兄弟十五人。同姓四十人。異姓十八人。殷伯夷叔齊不肯仕周。逃之首陽。餓而死。武王崩。子成王誦立。

成王立。年少。周公旦攝政。初武王封紂子武庚於殷。使弟管叔蔡叔霍叔監之。及崩。管叔蔡叔見周公獨攬大政。不服。乃爲流言。謂公將不利於孺子。公懼避之東周。後成王悟而迎周公。三叔以武庚畔。周公討而誅之。

成康之治

周公相成王。制禮作樂。身致太平。乃營洛邑爲東都。以爲諸侯朝會之所。公薨。成王命其子魯公世祀。以天子禮樂。成王崩。子康王釗立。成康之時。天下全盛。刑措不用者。至四十餘年。

宣王中興

成康既沒。周室寢衰。數傳至厲王無道。國人謗厲王。厲王使衛巫監之。國人莫敢言。道路以目。三年。民乃叛厲王。厲王出奔彘。太子靖幼。周召二公共理國事。號曰共和。厲王崩。太子立。是爲宣王。宣王恐懼修行。用其臣召虎。方叔。尹吉甫。仲山甫等出兵征伐。南北諸夷。皆有功。周道復興。

周室東遷

宣王崩。子幽王宮涅立。納褒國女曰褒姒。嬖之。生子伯服。乃廢

申后及太子宜臼。而以褒姒爲后。伯服爲太子。宜臼出奔申。申侯以犬戎伐幽王。弑之驪山下。晉衛之君力戰退戎。奉宜臼即位。是爲平王。平王以岐周之地近戎不可守。乃遷居洛邑。時秦襄公破戎有功。因以其地畀之。秦自是始大。

五霸迭興

孔子作春秋。託始於平王之四十九年。自是以後。凡歷二百四十二年。謂之春秋之世。時王室微弱。而五霸迭興。五霸者。齊桓公。宋襄公。晉文公。秦穆公。楚莊王也。而桓文霸業爲最盛。

齊桓公名小白。齊襄公無道。出亡在外。襄公遇弑。入主齊國。用管仲爲相。國大治。時衛邢二國俱爲狄所滅。桓公出兵救之。使復其國。諸侯皆宗齊。桓公沒十餘年。而晉文公出。文公名重耳。其父有寵妾曰驪姬。譖殺其兄申生。重耳避之奔狄。後因秦之

力得返國。文公之臣曰狐偃、趙衰，皆能臣也。文公治民三年，遂出兵，侵曹，伐衛，與楚人遇於城濮，大破之。自文公之後，傳數世，皆爲諸侯盟主。終春秋之世，晉爲強國。

春秋人才

春秋之世，列國交通，盟聘既繁，使才尤重。若晉之叔向、鄭之子產、魯之叔孫豹、子服何、齊之晏嬰、吳之季札，其最著者也。衛有蘧瑗好學，爲孔子所重。

吳越寢強

吳泰伯之後，世服於楚。至壽夢始叛，楚人伐之，屢爲所敗。後楚有臣曰伍員，父爲楚所殺，員遂事吳。吳子闔廬用其計，伐楚破其國都。楚昭王出走，楚有申包胥告急於秦，秦師至，闔廬敗歸。昭王始返國。越夏少康之後，與吳境土相接，世爲敵國。闔廬末

年伐越。傷而死。其子夫差起兵復仇。破越於夫椒。越子句踐請降。夫差許之。伍員諫不聽。句踐乃臥薪嘗膽。日夜思報吳。夫差不悟。卒爲越所滅。越既滅吳。以兵橫行江淮間。諸侯畢賀。稱爲霸王。

孔子事蹟

孔子名丘字仲尼。以周靈王二十一年。生魯昌平鄉。少時陳俎豆。習禮容。爲戲。後仕魯爲中都宰。進大司寇。國大治。嘗相魯定公會。齊侯於夾谷。齊人欲以兵劫魯公。孔子斥之。齊侯內慚。返魯侵地。其後魯不能用孔子。孔子出之四方。徧歷諸侯。無所遇。返魯述詩書。正禮樂。贊周易。修春秋。其弟子三千人。身通六藝者七十二人。孔子以敬王四十一年卒。年七十三。弟子記其言爲論語二十篇。子鯉早卒。有孫名伋。作中庸。

七國爭衡

自春秋之末。列國諸侯皆滅。存者止有十餘國。其最强者。秦楚齊燕韓趙魏七國。互相爭鬪。是爲戰國之世。秦楚燕皆春秋時國。齊姜太公之後。爲田氏所篡。韓趙魏三國。其先皆晉大夫。後乃三分晉國而取其地。皆奉周天子之命。列爲諸侯。惟楚自春秋之初。已稱王。至戰國遂皆稱王。

蘇張縱橫

秦南北之爲縱。從分東西事爲橫。謂合之而橫。

當戰國之世。秦日强盛。六國恐不自保。有蘇秦者。倡合從之說。約并力以備秦。以蘇秦爲縱約長。其後秦以計欺六國。使自相攻。於是縱約解。蘇秦亦死。有張儀者。仕於秦。爲秦厯說六國。言事秦之利。六國皆聽。秦乃以兵攻其不順己者。曰使出地以爲賂。十餘年間。而六國皆滅。

孟子事蹟

孟子名軻。字子輿。鄒人。後孔子百餘年而生。嘗受業子思之門人。客齊梁時。天下遊士皆言富國強兵。孟子獨說王道。由是聞者皆不說。乃與其徒萬章公孫丑等著孟子七篇。

秦之先世


秦嬴姓。舜臣伯翳之後。紂之亡。有飛廉者。與其子惡來。革俱被殺。至周孝王時。惡來之裔非子。以善養馬。得分土爲附庸。周之東。始列爲諸侯。至孝公時。六國方盛。擯之不使與盟會之列。以夷狄視之。孝公發憤圖自強。有商鞅者。教以變法。孝公善之。鞅恐民不信。乃立木於南門。募有能徙置北門者。予十金。民怪之。莫敢徙。乃曰。徙者予五十金。有一人徙之。輒予五十金。以示不欺。乃下令。已而太子犯法。鞅曰。太子不可刑。刑其師傅。於是民

皆趨令。行十年。道不拾遺。山無盜賊。秦國大治。封於商於之地。號商公。孝公沒。惠文王立。鞅坐誅。然秦之有天下者。鞅之力也。秦孝文王之爲太子。有子二十餘人。中子名楚。質於趙。趙有大賈曰呂不韋。與子楚謀。使人說太子之寵姬華陽夫人。立楚爲嗣。孝文王沒。子楚立。是爲莊襄王。不韋嘗以所幸姬已有娠。納之子楚。生政。是爲始皇帝。

周室之亡

周自平王東遷。威令不行。擁虛位者尙數百年。至貞定王之後。篡弒相仍。始分爲二。曰東周公。曰西周公。王寄居而已。其後西周先亡。實周赧王之五十九年也。越七年。東周亦滅。自武王卽位。至亡。凡三十七主。共八百七十四年。

周世系表



秦得天下

始皇即位二十有六年。始一天下。下詔自稱曰皇帝。罷侯國不設。分天下爲三十六郡。郡置守尉監。又南取百越故地。別置南海桂林象郡。以處謫戍之民。遣蒙恬北收河南地。築長城。延袤萬餘里。

用李斯言。燒詩書及百家語。所不去者醫藥卜筮種樹之書。侯生盧生相與譏議始皇。因亡去。始皇大怒。聚諸生四百餘人。阮之咸陽。太子扶蘇諫。始皇不悅。使北監蒙恬兵於上郡。

秦失天下

始皇三十七年東巡。少子胡亥。及丞相李斯。宦者趙高。從。還至沙邱崩。李斯趙高矯詔立胡亥。賜扶蘇及蒙恬死。胡亥立。是爲二世皇帝。二世委政趙高。高譖李斯殺之。已而四方兵起。高每語二世。以山東賊不足憂。及楚將沛公已入武關。二世大恐。使人責讓高。高乃弑二世於望夷宮。迎立始皇庶子子嬰。子嬰稱疾不出。高自往請。子嬰使人刺殺高。楚兵已徇。子嬰出降。秦自始皇一天下。至亡。凡三主。共十五年。

秦世系表

始皇政——
——二世胡亥
——三某子嬰

楚漢分爭

二世元年。陳勝自立爲陳王。遣兵徇四方。所至響應。楚人項梁聚吳中兵得八千人。以其從子籍爲裨將。沛人劉邦起兵於沛。自稱沛公。往從之。未幾勝敗死。梁乃渡江而西。奉楚懷王孫心爲楚懷王。敗秦將章邯。再戰梁敗死。章邯因移兵擊趙。懷王使項羽字籍往救趙。時秦兵圍趙王歇鉅鹿。羽至。引兵渡河。既渡。自沈其船。示士卒必死。與秦軍遇。九戰皆破之。虜其將王離。邯降於楚。

方懷王遣項羽救趙。亦遣沛公西入關。及羽降秦兵而西。沛公已入關。遣人守之。羽至不得入。大怒。攻破之。羽欲攻沛公。項伯

爲之言。事得解。沛公自會羽於鴻門。羽有謀臣曰范增。勸羽除之。羽不聽。增使項莊舞劍。欲於坐刺之。項伯亦起舞。每以身蔽之。得免。羽乃自稱西楚霸王。都彭城。封沛公爲漢王。以漢中地界之。

齊田榮畔楚。羽親往攻之。漢王乃出漢中。盡取三秦地。因帥諸侯兵擊楚。入彭城。羽聞之。引兵還救。漢王敗走滎陽。復自滎陽如成皋。漢王使蕭何守關中。何調糧食給軍。兵勢復振。又遣別將略定河北。遂有天下大半。而彭越數擾梁地。抄楚軍後。羽不得已。與漢連和。約以鴻溝爲界。旣和而漢兵不退。卒圍羽垓下。羽走至烏江。自刎而死。

漢得天下

漢高祖姓劉。名邦。字季。陶唐氏劉累之後。爲泗水亭長。爲縣送

徒驪山。徒多道亡。乃與壯士十餘人。匿大澤中。會陳勝兵起。蕭何曹參勸沛令召季入城。欲藉其兵以劫衆。沛令後悔。閉城不納。沛中子弟相與殺令。迎季爲沛公。收兵得二三千人。以應諸侯。

沛公爲漢王。五年。滅楚。遂卽帝位。是爲太祖高皇帝。都長安。高帝鑒秦孤立而亡。乃大封功臣。然分地太廣。恐其爲亂。數年間。皆以罪誅滅。悉奪以授其子弟。時匈奴乘中原多故。復取秦所收河南故地。單于冒頓善用兵。勢張甚。高帝自將征之。被圍平城七日。用陳平計得解去。遣使與匈奴結和親。高帝崩。太子盈卽位。是爲惠帝。

呂氏之禍

惠帝性仁柔。受制於呂太后。七年而崩。太后乃取他人子名爲

惠帝子立之。未幾廢之而立其弟。亦非眞惠帝子也。太后封呂氏數人爲王。令呂祿呂產分將南北軍。未幾崩。時周勃爲大尉。不得掌兵柄。酈商之子寄。與呂祿善。勃與丞相陳平謀。劫商。令寄往說呂祿以兵授勃。祿許之。勃至軍。令軍中爲劉氏者左袒。爲呂氏者右袒。軍中皆左袒。呂產欲入宮爲亂。朱虛侯劉章帥卒千餘人。遇之廷中。因擊殺之。勃乃遣人分捕呂氏。無少長皆斬之。呂太后稱制凡八年。

文帝之立

初呂太后崩。朱虛侯章在京師。陰遣人告其兄齊王襄。令舉兵。呂產呂祿聞之。使大將軍灌嬰往擊。嬰至滎陽。與齊連和。齊王因還兵候約。及產祿誅。大臣議所立。皆以齊王舅駟鈞素惡。恐復有呂氏之禍。乃迎代王恆立之。是爲文帝。滕公入宮。載呂后

所立帝出。誅之於邸。

文景之治

文帝雅性仁儉。除肉刑。減田租。宮苑車服。無所增益。初南粵王趙佗本秦吏。秦亡自立爲南粵武王。高帝使陸賈往諭使稱臣。呂后之世。以兵攻長沙。自稱武帝。文帝初立。欲以德鎮撫之。乃復遣賈往。佗乃去帝號。稱臣如故。文帝崩。子啓立。是爲景帝。景帝忠厚。不如文帝。然謹守先業。鎮靜不擾。上下安之。故漢世賢主稱文景。

七國之亂

高帝既漸誅功臣。乃大封其子弟。然分地太侈。賈誼嘗上治安策。極言其弊。文帝善之。而不能行。遂成七國之亂。七國者。吳。楚。膠西。膠東。菑川。濟南。趙也。時景帝立。鼂錯新用事。勸帝凡諸侯

有罪者。以次削其國土。於是七國同時反。以誅錯爲名。景帝爲斬錯以謝之。兵不解。景帝乃以周亞夫爲太尉。使將兵討吳楚。亞夫壁昌邑。不與戰。使人絕其糧道。吳楚方急攻梁。梁城守不得下。乃引而去。亞夫出精兵追擊。大破之。吳王濞棄軍亡走。被殺。楚王戊卽自殺。數月而數國皆破滅。

武帝邊功

自高帝之世。與匈奴結和親。匈奴益驕。呂后時以書來。語意驕慢。文帝景帝歲賂遺以羈縻之。然猶侵盜不止。武帝承文景之後。府庫充實。乃遣衛青霍去病等連歲出師。取河南地。置朔方郡。匈奴渾邪王來降。因置五屬國以處其衆。各依本國之俗而屬匈奴自是遂弱。初西域地數千里。爲國數十。皆役屬於匈奴。匈奴因是得專意與漢爲敵。無後顧憂。名爲匈奴右臂。及匈奴屢

敗。武帝遣張騫通使西域。置酒泉武威。以絕匈奴與羌通之路。武帝遣使風南越王興使入朝。孫佗之其相呂嘉弒王。並害漢使者。漢遣楊僕擊滅之。以其地置南海蒼梧鬱林合浦交趾九真日南珠崖儋耳九郡。又討東越。王弟餘善殺王郢來降。武帝以閩越數反覆。徙其民於江淮間。

巫蠱之獄

武帝初立長子據爲太子。甚愛之。後常嫌其才能不類己。太子不自安。江充者。嘗爲趙王客。有罪逃之京師。帝信而用之。會武帝有疾。嘗夢木人爲祟。使充治之。充奏言掘地太子宫。得木人甚衆。太子恐。其傅石德。因教之詐爲使者誅充。充旣死。遂發兵反。武帝遣劉屈氂討之。太子兵敗。亡至湖。自縊死。

昌邑之廢

武帝崩。少子弗陵立。是爲昭帝。大將軍霍光受遺詔輔政。蓋邑長公主燕王旦及上官桀父子謀反。皆伏誅。光爲政。謹法度。中外稱治。昭帝立十三年而崩。無子。光迎昌邑王賀武帝子立之。賀淫戲無度。光以太后令廢之。初。太子據得罪。有孫曰病己。收繫詔獄。獄吏丙吉常保全之。會赦得出。長而高材好學。亦喜游俠。嘗鬪雞走狗。上下諸陵。及昌邑王廢。光用吉言。奏請立爲昭帝。後。遂卽位。是爲宣帝。

孝宣之治

宣帝起田間。備知百姓疾苦。及卽位。嘗慎選守吏。每日。與我共天下者。其惟良二千石乎。其時循吏輩出。如朱邑龔遂黃霸張敞尹翁歸趙廣漢之屬。皆有政績可觀。其時國勢極盛。匈奴呼韓邪單于請入朝。羌衆作亂。遣趙充國討平之。西域各國內附。

以鄭吉爲都護。立幕府於烏壘城。以督察之。

王莽篡漢

漢成帝時。母王太后弟鳳秉政。王氏權勢日盛。劉向上封事極諫。成帝不能用。及哀帝崩。無子。王莽迎中山王箕子立之。是爲平帝。莽鳳兄子也。時太皇太后王氏臨朝。委事於莽。莽爲人善爲恭儉。以邀時譽。平帝旣長。不悅莽所爲。莽因置酖弑之。而立孺子嬰。莽自稱假皇帝。時漢宗室皆微弱。無敢言討賊。獨翟義起兵。奉劉信爲天子。不克而死。莽遂卽位。國號新。廢漢帝爲定安公。尊太皇太后爲新室文母。

莽承漢家富庶之業。一旦據而有之。而性好動。務爲更易。喜言復古。每事取法周官。然行之不得其道。民始不安其生。又生事於匈奴。邊鄙遂以多事。內地盜賊滋起。漢宗室劉縯與其弟秀

起兵春陵。興復帝室。莽遣王邑王尋將兵四十二萬人討之。秀與戰。大破之。昆陽城下。尋死。邑走。時新市平林兵已共立劉玄爲帝。號爲更始。更始將申屠建李松俱抵長安城下。城中人斬莽出降。自莽僭位。漢祚中絕者凡十五年。

光武中興

帝景帝子。長沙定王發之後。兄續爲更始所害。更始以秀行大司馬事。遣徇河北。秀連破諸賊。兵勢日盛。乃卽皇帝位。是爲世祖。光武皇帝。定都洛陽。更始在長安。爲赤眉所殺。世祖遣馮異討之。赤眉舉衆來降。世祖卽位六年。四方僭據畧盡。惟隗囂在隴。公孫述在蜀。世祖屢遣人招之。不下。世祖乃自將征囂。囂敗走死。其子純率衆來降。遣吳漢征公孫述。斬述於陣。蜀地亦定。世祖崇進節義之士。初南陽人卓茂。哀平間爲密令。有惠政。避

王莽之亂。不仕。世祖訪得之。以爲太傅。又招致處士周黨王良嚴光等。光與世祖同遊學。及世祖即位。匿而不出。累徵乃至。以爲諫議大夫。不受。隱於富春山中。論者以爲東京氣節之盛。皆世祖啟之也。

明章之治

明章二帝。皆崇尚經學。修舉文事。明帝嘗詣大學。行養老禮。召諸儒執經問難於前。冠帶縉紳之倫。圍橋門而觀聽者至億萬人。章帝詔博士等會白虎觀議五經同異。親稱制臨決。作白虎議奏。卽今之白虎通也。

佛法入中國

明帝聞西域有神名曰佛。因遣蔡愔之天竺求之。愔等得佛經四十二章。及釋迦像。並沙門迦葉摩騰竺法蘭二人以歸。其言

大抵以虛無爲宗。貴慈悲不殺。以爲人死精神不寂。隨卽受形。生前善惡。皆有報應。明帝建白馬寺以居之。自後沙門所居。皆以寺爲名。

匈奴降漢

東漢之初。匈奴內亂。國分爲二。南匈奴臣服於漢。惟北匈奴時犯塞。至章帝時。匈奴益衰。凡五十八部皆來降。和帝卽位。竇憲有罪。太后遣憲伐北匈奴。以贖罪。憲擊匈奴大破之。登燕然山。勒石紀功而還。後憲又遣將擊匈奴於金微山。單于走死。漢改立其弟於除鞬爲北單于。復叛去。追斬之。其地爲鮮卑所得。自此鮮卑始盛。

平定西域

王莽之世。西域復附匈奴。每苦重斂。謀屬漢。求置都護。世祖恐

生邊事不許。明帝遣竇固伐北匈奴。固命假司馬班超使西域。超至鄯善。誦知匈奴使至其國。因襲殺之。鄯善王大恐。遣子爲質。超又至疎勒。更易其王。於是西域諸國皆服。置都護及戊己校尉。已而復叛。攻殺都護陳睦。章帝議棄西域。超上書言狀。章帝命超終其事。超乃發鄰近兵。征服未降者。次第皆平。超嘗遣使西通大秦。馬即國羅不至而還。

黨錮之獄

東漢自明章以後。外戚竇氏。閹氏。梁氏。相繼用事。威行內外。及其敗也。皆以宦人預其謀。於是宦官之勢日盛。時大學諸生。每持清議。非毀朝政。宦人患之。其黨有犯法者。李膺爲司隸校尉。治之不少貸。宦官益恐。乃譖於帝。言膺等與大學諸生爲亂。桓帝信之。悉下之獄。遇赦得出。桓帝崩。靈帝立。竇武陳蕃用事。黨

人稍稍進用。蕃武謀誅宦官。反爲所殺。於是宦人復理黨人之獄。自李膺以下死者百餘人。惟申屠蟠獲免。


董卓之亂

靈帝之末。張角等起。號黃巾賊。天下始亂。靈帝崩。子辯立。何太后臨朝。兄進秉政。進欲誅宦官。恐不勝。乃召董卓於河東。使以兵向京師。未至。進爲宦官所殺。進黨袁紹等以兵入宮。盡誅宦官。卓至。廢帝爲弘農王。奉陳留王協卽位。是爲獻帝。山東諸侯並起以誅卓爲名。卓劫獻帝遷都長安。盡焚洛陽宮室。王允欲誅卓。與卓愛將呂布謀。布許之。卓旣死。其部校李傕郭汜懼誅。率衆攻長安。允遇害。張濟奉車駕東歸。時四方貢獻不至。公私匱乏。曹操以兵來迎。遷獻帝於許。自是政在曹氏。天子拱手而已。

東漢之亡

漢業既衰。四方竊據者並起。擾攘者二十餘年。然後分爲三國。三國者。蜀劉備。魏曹操。吳孫權。劉備據益州。孫權據荆揚交廣諸州。曹操據地最廣。奄有中原。得天下大半。吳蜀二國。嘗相與結好。以備魏。史家以蜀係劉氏之後。謂之正統。計漢自高帝卽位。至孺子嬰被篡。凡十二主。共二百一十年。是爲西漢。世祖中興。至亡。凡十三主。共一百九十六年。是爲東漢。

漢世系表



與關羽張飛友善。後爲徐州刺史。爲呂布所攻。往依曹操。復依劉表於荊州。得琅琊諸葛亮。以爲謀主。操之入荊州。率輕騎追備。備遣亮求救於孫權。與權破操赤壁。操之取漢中。益州牧劉璋呼備自救。備因攻璋去之。而自領益州牧。

獻帝二十五年。備卽皇帝位。初備遣羽擊荊州。爲孫權所殺。備忿之。遂自將伐吳。大爲陸遜所敗。旋崩。亮受遺詔。奉太子禪卽位。上表請出師以圖中原。遂自將伐魏。馬謖違亮節度。敗於街亭。後屢出。均以糧盡而返。亮乃屯田五丈原。魏司馬懿畏亮。堅守不與戰。亮卒於軍。其下引軍還。

亮卒。蔣琬董允相繼執政。國內粗治。及二人先後卒。宦人黃皓用事。蜀事始壞。姜維伐魏。屢敗。魏遣鍾會鄧艾等來伐。姜維守劍閣。會不得前。艾潛師自陰平直抵成都。禪出降。鍾會欲據蜀。

爲其下所殺。蜀凡二主。共四十三年。

魏始末

曹操。字孟德。父嵩。爲中常侍。曹騰養子。操少機警。時人莫之奇也。惟何顒。橋玄。異焉。爲東郡太守。破黃巾。降其卒三十餘萬。兵力始盛。自爲兗州刺史。袁紹方爲諸侯盟主。勢張甚。操與戰於官渡。大破之。紹尋死。其子譚尙相攻。俱爲操所滅。操自是不可敵。後至赤壁。敗還。操之不能一統天下者。此一戰爲之也。操卒。子丕。遂篡漢。

丕卒。叡繼之。國勢尙盛。及叡之子芳卽位。年少。曹爽與司馬懿俱奉遺詔輔政。爽驕奢無度。懿廢而殺之。自是政在司馬氏。猶之曹操在獻帝之世矣。懿卒。子師昭相繼秉政。廢芳立髦。髦見威權日去。不勝其忿。自率左右出討昭。爲昭所弒。奐立。及昭之

子炎。遂卽帝位。廢奐爲陳留王。魏凡五主。共四十六年。

吳始末

孫權。字仲謀。父堅。破董卓有功。爲劉表將黃祖所殺。兄策年少。有異才。與舒人周瑜爲友。堅卒。依袁術於壽春。會劉繇據曲阿。策請於術。得兵千餘人。帥以渡江。所向克捷。繇敗走。畧定江東州郡。後爲吳郡太守。許貢奴所刺。瀕死。以後事付權。曹操兵至。權用周瑜計。破之赤壁。蜀魏稱帝數年。權始稱帝。權卒。子亮立。其臣孫綝廢之。立其兄休。休誅綝。而用其舊人濮陽興張布。二人俱以佞巧得幸。吳人失望。休卒。興布迎其兄子皓立之。皓驕暴。多以無罪殺人。又湛於酒色。不恤政事。時司馬氏已代魏。久蓄混一之計。皓不以爲意。晉武帝咸甯五年。晉大舉兵分道伐吳。吳兵大敗。皓出降。封爲歸命侯。至是三國皆滅。天下復爲一

統。吳凡四主。共五十九年。

三國世系表

蜀先主備——後主禪

燕王宇——陳留王奐

魏文帝丕——明帝叡——齊王芳

——東海定王霖——高貴鄉公髦

吳大帝權

廢帝亮

景帝休

太子和——歸命侯皓

晉氏初興

晉世祖武皇帝。姓司馬。名炎。昭之子也。世祖初立。頗能以儉率下。吳平之後。浸用驕侈。掖庭殆將萬人。大臣賈充荀勗皆儉邪

小人。及其末年。后父楊駿用事。太子衷。戇駘。生子暹。少而明慧。武帝知太子不才。以暹故。得不廢。爲太子娶賈充女爲妃。悍妬無人理。嘗欲廢之。以楊后言而止。武帝崩。太子立。是爲惠帝。楊駿受遺詔輔政。

八王之亂

齊王 王冏 長沙王 王亮 河間王 王倫 成都王 王穎

初武帝鑒魏孤立之患。乃大封子弟。欲使扶植帝室。及楊駿當國。賈后時欲干預政事。爲駿所抑。恨之。乃與楚王瑋謀。誣以謀反。殺之。並弒太后。徵汝南王亮與衛瓘同錄尙書事。瑋與二人有隙。譖之於后。后使瑋殺之。而又以矯詔罪誅瑋。太子暹亦爲后所殺。趙王倫乃入宮廢后。遂卽帝位。齊王冏與成都王穎。河間王顥。舉兵誅倫。帝復位。冏輔政。驕恣擅權。長沙王又殺之。顥復舉兵討又。屢爲又所敗。東海王越於京師害又。穎顥又治

兵與越相攻。後俱爲人所殺。

懷愍蒙塵

惠帝遇酖而崩。弟豫章王熾立。是爲懷帝。懷帝志欲有爲。而爲越所制。越亦自知不見容。乃出鎮許昌。越有愛將曰苟晞。知越有異志。乃移檄州郡罪狀越。懷帝亦惡越。密詔晞討之。越憂憤成疾。以後事付王衍而卒。漢將石勒追及越。喪於苦縣。圍而殺之。將士十餘萬人。無一免者。漢兵向洛陽。王彌呼延晏之師皆會。京師陷。懷帝被執。送平陽。漢主聰宴羣臣。令懷帝青衣行酒。尋遇害。秦王業立於長安。是爲愍帝。漢兵至。出降。漢主出。使愍帝執蓋。見者曰。此長安天子也。父老有泣者。旋於平陽被弒。

五胡之亂

匈奴鮮卑

漢魏以來。諸夷降者。入居內地。日久益蕃。郭欽嘗上疏請徙之。

塞外。武帝不聽。而其時舉朝士大夫。皆崇尚清談。不復以國事爲意。及晉室內亂。相繼而起。不數年間。中原之地。悉陷於戎狄。是後迭興迭蹶者。凡百餘年。約而計之。有十六國。列表如左。尚有慕容永。號西燕。不在十六國之數。

十六國興亡表

漢

後趙改

劉淵

匈奴

亡於後趙

成

後漢改

李雄

氐

亡於東晉

後趙

石勒

羯

亡於前燕

前涼

張軌

漢人

亡於前秦

前燕

慕容廆

鮮卑

亡於前秦

秦

苻健

氐

亡於西秦

後燕

慕容垂

鮮卑

亡於北燕

後秦 姚萇 羌 亡於東晉

西秦 乞伏乾歸 鮮卑 亡於夏

後涼 呂光 氐 亡於後秦

南燕 慕容德 鮮卑 亡於東晉

西涼 李暠 漢人 亡於北涼

南涼 秃髮烏孤 鮮卑 亡於西秦

北涼 沮渠蒙遜 匈奴 亡於北魏

夏 赫連勃勃 匈奴 亡於吐谷渾

北燕 馮跋 漢人 亡於北魏

元帝渡江

中宗元皇帝名睿。琅琊王覲之子。懷帝初。出鎮建業。時天下大亂。江左差安。諸名士避亂者。相率東渡。王導勸睿辟之。得百六

人。謂之百六掾。愍帝凶問至。遂卽位。初。導與從弟敦同心輔政。元帝亦推誠任之。時人爲之語曰。王與馬共天下。後敦驕慢。有不臣之迹。元帝畏而惡之。引刁協劉隗自助。敦遂作亂。引兵入京師。盡誅元帝左右。還鎮武昌。元帝爲所制。悒悒而崩。太子紹立。是爲明帝。與王導溫嶠等潛謀誅敦。會敦已病。遣兄子含入犯。不勝而走。敦尋卒。含與敦黨沈充錢鳳俱就誅。含兵之至。蘇峻以入衛有功。遷歷陽內史。遂驕蹇有異志。明帝崩。成帝立。庾亮輔政。徵峻入爲大司農。峻不奉詔。約祖約同反。兵入京師。遷成帝於石頭。溫嶠陶侃同赴難。斬峻。奉成帝復位。

桓溫廢立

江州都督庾翼卒。朝廷欲以其子領州事。何充力薦桓溫繼翼。溫有文武才。受任未幾。卽出兵伐漢。滅之。威名大振。朝廷畏之。

因用殷浩以抗溫。浩有虛名。而無經濟大畧。溫知其無能爲。不
以爲意。後浩爲姚襄所敗。名望大損。溫遂上疏廢之。自是大權
盡歸於溫矣。溫欲先立功中原。還受九錫。六受朝九錫凡九錫釋位名
殊目顧也九皆及伐燕敗歸。所志不遂。郗超因勸之廢立。溫從之。遂
廢晉帝奕爲東海王。溫尋卒。

肥水之捷

秦王堅以王猛爲相。國內大治。用兵四出。所向無敵。猛臨沒。謂
堅曰。晉雖僻處江南。然正朔相承。上下安和。臣死之後。願勿以
晉爲意。及猛卒。堅不用其言。親率大兵伐晉。時晉孝武帝在位。
謝安王坦之輔政。安用謝石謝玄爲將軍。堅軍至肥水。石等渡
水擊之。秦兵大敗。堅中流矢走還。其下相與叛之。堅後爲姚萇
所殺。

桓元篡位


孝武帝末年。湛於酒色。弟會稽王道子柄政。與謝安有隙。安乃出鎮廣陵以避之。孝武帝尋遇弒。子安帝德宗立。安帝幼而不慧。道子爲太傅。攝君事。道子庸暗。委政於世子元顯。桓元溫之子也。仕不得志。乃說殷仲堪使與王恭同反。旣而恭誅。授元八州都督。元復襲仲堪殺之。遂舉兵入京師。殺道子。及其世子元顯。因稱帝。遷安帝於尋陽。已而爲劉裕所破。將圖入蜀。在道爲馮遷所殺。安帝復位。

東晉之亡

桓元旣誅。劉裕功名始盛。裕初與劉毅諸葛長民等共討元。聲勢相埒。及功成之後。二人偃蹇不爲下。裕乃收毅長民殺之。於是大權盡歸於裕矣。裕滅燕。滅秦。又親與海寇盧循戰。破之。裕

乃自爲相國宋公。加九錫。使人害安帝。立其弟德文。是爲恭帝。恭帝禪位於宋。尋亦被弑。晉自武帝卽位。至是凡十五主。共一百五十六年。自是之後。南北分治。謂之南北朝。

晉帝系表



宋始末

武帝劉裕爲下邳太守。破孫恩有功。桓元作亂。裕於京口起兵。元滅。裕自爲揚州刺史。錄尚書事。及卽位。三年而崩。子義符立。其下徐羨之、傅亮等弑之。迎立其弟義隆。是爲文帝。初武帝旣殂。河南之地悉爲魏有。及文帝卽位。遂遣將軍劉彥之等伐魏。彥之等皆非將材。悉敗還。魏人來伐。駐兵采石。欲渡江。建康大震。文帝初立。有檀道濟者。善用兵。文帝畏而誅之。及魏兵日逼。文帝登石頭城。有憂色。歎曰。使道濟在。不使虜騎至此。魏人尋以攻盱眙不克引還。

文帝爲太子劭所弑。武陵王駿討劭自立。是爲孝武帝。孝武不信大臣。左右戴明寶、戴法興等用事。二人大納賄賂。宋政以壞。及崩。子子業立。淫虐不道。爲近倖所弑。而立湘東王彧。是爲明

帝明帝疏忌宗室。凡稍有才望者。誅戮殆盡。及崩。子昱立。蕭道成與褚淵袁粲劉秉同輔政。道成弑昱立順帝。準秉粲謀誅道成不克而死。道成遂卽帝位。宋自武帝卽位。至亡。凡八主。共六十年。

齊始末

高帝蕭道成。仕宋。以行徐州事鎮淮陰。道成收養豪俊。賓客始盛。後爲中領軍輔政。旣篡位。傳子武帝。武帝崩。孫昭業立。不道。高帝姪鸞弑之。立其弟昭文。復弑之。自立。是爲明帝。魏孝文聞鸞弑逆。以兵來伐。不克而還。明帝崩。太子寶卷卽位。寶卷殺其尙書令蕭懿。懿之弟衍在襄陽。遂舉兵反。寶卷尋爲左右所弑。時齊南康王寶融自立於江陵。衍卽位。廢而弑之。齊自高帝卽位。至亡。凡七主。共二十四年。

梁始末

武帝蕭衍。與齊同族。武帝初立。用徐勉。周捨等。同參國政。號爲賢相。國內稱治。及其末年。專任朱异。异有文學。而性傾巧。武帝又信浮屠法。有罪者多舍不治。於是政事始壞。會東魏高歡卒。其將侯景叛降於西魏。又叛西魏降梁。東魏僞和於梁。梁主許執景畀之。景聞之。遂反。時武帝在位已四十餘年。境內太平日久。聞景至。皆走。景攻臺城陷之。武帝爲景所制。飲膳亦被裁損。遂崩。子簡文帝綱立。景謀篡位。遣王偉弑之。而立豫章王棟。旋廢棟自立。湘東王繹在江陵。起兵討景。景兵敗。欲走入海。爲其下所殺。

初武帝太子統卒。立子綱爲皇太子。而封統三子歡。譽。營。皆爲王。及繹立於江陵。是爲元帝。元帝與營兄弟有隙。治兵相攻。營

恐不勝。乃臣於西魏。請兵入援。西魏于謹率兵圍江。好文學。及圍城急。猶自爲詩。羣臣亦有和者。城陷。聚古今圖。焚之。曰。文武之道。今夜盡矣。遂出降。魏人殺之。

江陵陷。梁將王僧辨陳霸先奉元帝少子方智入建康。立以爲帝。武帝之從弟蕭淵明初在齊。時東齊人送歸江東。使僧


辨立之。霸先聞之。潛師襲僧辨。擒之。淵明懼而遜位。霸先復立方智。是爲敬帝。自僧辨死。霸先遂無所憚。因謀篡位。廢敬帝爲江陰王。而弑之。梁自武帝卽位。至亡。凡四主。共五十六年。晉據江陵。稱後梁。附於魏。傳至三世。隋時始滅。



陳始末

武帝陳霸先。始以始興太守起兵。勤王。及卽位。子昌姪瑱。以江陵之陷。沒於長安。陳主崩。兄子蒨立。是爲文帝。昌來歸。文帝沈

之於江。後頊復自齊歸。文帝崩。頊廢其子伯宗自立。是為宣帝。南朝自侯景亂後。疆宇益蹙。僅畫江為國。宣帝欲乘齊之亡。恢復故土。遣吳明徹北伐。不克而死。傳子叔寶。耽於淫樂。選文士十餘人。與後庭遊宴。謂之狎客。隋已篡周。遣高穎韓擒虎賀若弼等來伐。叔寶自投於井。隋兵俘之而北。陳自武帝即位。至亡。凡五主。共三十三年。

宋齊梁陳世系表





北魏始末

北魏本匈奴之後。姓拓跋氏。西晉時。有猗盧者。王代地。總攝諸部。傳至什翼犍。爲苻秦所滅。秦分其地爲二。使劉衛辰劉庫仁分領其衆。什翼犍有孫曰珪。有勇略。諸部奉之爲主。伐燕克之。

國勢始盛。遂卽帝位。改國號魏。定都平城。是爲道武帝。道武末年遇弒。傳至太武帝。屢破柔然蠕蠕之衆。時晉末僭據之國。大都盡入於魏。太武亦遇弒。而崩。傳至文成帝。獻文帝。俱爲守文賢主。至孝文帝。自平城遷都洛陽。改國姓爲元。制禮作樂。思以中國承平之治。變其本俗。然自是其慄悍勇猛之氣。亦漸次消滅。遠非開國之比。

孝文帝崩。太子恪立。是爲宣武帝。宣武帝疏忌宗室。高肇用事。魏業始衰。及崩。太子詡立。是爲孝明帝。帝初立年少。母胡太后稱制。太后內行不正。嬖倖鄭儼徐紇與政。魏主年寢長。惡二人所爲。扼於太后不能制。時爾朱榮討賊有功。駐兵晉陽。高歡在榮軍中。勸其舉兵入清君側。會太后酖殺帝。立幼主釗。榮遂入洛陽。執太后及幼主沈之於河。立長樂王子攸。是爲孝莊帝。孝

莊惡榮專權。因其入謁。殺之。爾朱兆等共起兵爲榮報仇。帝遇弒。兆等初立長廣王暉。復廢之。改立廣陵王恭。高歡乃起兵誅爾朱氏。立渤海太守元朗。復廢之。立平陽王修。是爲孝武帝。暉恭朗俱遇害。

孝武帝既立。復與高歡有隙。聞歡兵將至。乃去洛陽。依關西大都督宇文泰於長安。歡追之不及。乃立清河王子善見爲帝。都鄴。是爲孝靜帝。後爲高洋所弒。孝武帝至長安。未幾爲泰所弒。立孝文帝孫寶炬。是爲文帝。帝崩。太子欽立。欲謀誅泰。泰因廢欽而立其弟廓。是爲恭帝。及泰子覺受禪。帝亦遇弒。魏自道武帝歷十二世百四十九年。至孝武帝。始分爲二。歡所奉者稱東魏。泰所奉者稱西魏。或但稱魏。其後東魏亡於齊。凡十七年。西魏亡於周。凡四世。二十四年。

北齊始末

獻武帝高歡。字賀六渾。爲懷朔鎮函使。摺強之後事爾朱榮。及爾朱氏作亂。乃起兵。爾朱氏滅。歡又與宇文泰相攻。時有勝負。歡卒。世子澄爲盜所弒。次子洋立。遂卽帝位。是爲文宣帝。洋初立。留心政事。境內肅然。及末年。湛於酒色。洋卒。子殷立。被廢。弟演。湛相繼立。湛復傳位於其子緯。自稱太上皇。緯年少多嬖寵。韓長鸞。穆提婆等用事。斛律光善用兵。緯聽人言殺之。時周宇文邕始親政。自將伐齊。緯兵敗出走。爲周所獲。封溫公。後以有人誣其謀反。舉族就誅。齊自高洋篡位。至亡。凡五主。共二十八年。


北周始末

文帝宇文泰。小字黑獺。初爲爾朱榮統軍。復事賀拔岳。及岳爲

侯莫陳悅所害。衆奉秦爲主。秦好儒術。用蘇綽爲謀主。嘗作新制三十六條。行之。秦卒。世子覺立。兄子護輔政。篡魏。稱天王。覺謀誅護。爲護所弑。立其弟毓。始稱帝。護憚其明敏。又弑之。其弟邕立。是爲武帝。執護殺之。武帝始親政。頗以嚴明爲治。稱爲賢主。自將伐齊。滅之。突厥入寇。親自帥諸軍伐之。遇疾而殂。子贇立。淫戲無度。旋傳位於太子闡。自稱天元皇帝。楊后父堅位望隆重。天元嘗欲殺之。不果。及崩。鄭譯劉昉等矯詔以堅輔政。堅乃大殺周宗室。遂篡位。周自宇文覺稱天王。至亡。凡五主。共二十五年。自是之後。齊并於周。隋篡周。滅陳。天下復爲一統。

北魏北齊北周世系表

魏 道武帝珪^一——明元帝嗣^二——太武帝燾^三——文成帝浚^四——



隋氏代周

高祖文皇帝楊堅。父忠。仕周。賜姓普六茹氏。堅襲封隨公。既即位。乃改隨爲隋。卽位八年。滅陳。帝初任高顛。顛爲相。公平識治體。帝后獨孤氏不悅顛。罷之。改用楊素。素有文武才。而詭譎任數。后性妒。以太子勇多內寵。每不悅。次子晉王廣。謬爲仁孝。以自媚於后。后愛之。廣欲奪嫡。與素謀之。素入見。屢言廣之賢。高祖乃廢勇。立廣爲太子。及疾篤。始悟廣不賢。將復召勇。廣遂弑之自立。是爲煬帝。


煬帝亡隋

煬帝承文帝之後。府庫充溢。乃大興工役。北築長城。南開通濟渠。自河南入海永濟渠。今名衛河。卽今山東之衛河。卽今及邗溝。今淮揚江南河。今運河又自長安達江淮。置離宮四十餘所。而是時國勢甚盛。嘗入

林邑。破契丹。平吐谷渾。西突厥高昌及西域諸國皆來朝。後煬帝諷高麗王元來朝。元不至。自將征之。敗還。及再舉出師。而楊元感之亂作。遂班師。天下亦自此亂矣。

煬帝之末。四方羣盜並起。煬帝諱聞盜。有言者輒得罪。於是盜益熾。及大將張須陁戰死。盜遂不可制。煬帝巡幸江都。裴虔通司馬德戡等作亂。奉宇文化及爲主。煬帝遇弒。時唐公李淵已入長安。立代王侑爲帝。旋禪位於唐。越王侗立於東都。後爲王世充所弒。隋自高祖卽位。至亡。凡四主。共三十九年。

隋世系表



李唐之興

高祖神堯皇帝李淵。涼武昭王暉七世孫。襲唐公。爲太原留守。淵娶竇氏。有子四人。建成。世民。元吉。元霸。世民聰明勇決。器量過人。嘗勸淵起兵。淵不聽。會突厥寇馬邑。淵恐獲罪。從之。乃使元吉留守太原。而自與世民將兵入長安。遂卽帝位。時王世充奉越王侗卽位於東都。尋弑之。自立。國號鄭。高祖使世民伐之。世充求救於竇建德。建德自引兵赴之。世民留兵圍東都。自將迎建德於武牢。破擒之。世充遂降。高祖卽位七年。四方羣寇皆破滅。惟梁師都僅存。至太宗貞觀二年始滅。

太宗平內難

高祖得天下。悉秦王世民之力。以建成居長。立爲太子。建成與弟元吉。嫉世民功高。常欲害之。世民乃與房元齡。杜如晦等謀。伏兵立武門內。俟二人入。射而殺之。高祖乃立世民爲太子。因

傳位焉。世民卽位。是爲太宗文武皇帝。

貞觀之治

太宗爲三代後第一令主。卽位之後。用房元齡杜如晦輔政。元齡善謀。如晦善斷。皆以相業著聞。世稱房杜。魏徵好直諫。太宗每屈意從之。其所立制度。如三省。中書省門下省六部。吏戶禮與租庸調稅法。田賦則有租有身調及府兵之制。皆始於高祖之世。至太宗其法益詳。足以垂示後世。時天下太平。一歲斷死刑不過數十人。帝圖功臣二十四人於凌煙閣。以長孫無忌爲首。

貞觀邊功

初高祖起晉陽。嘗臣突厥以自助。其後侵擾不已。太宗初立。嘗深入至便橋。太宗與盟而退。後突厥內亂。太宗遣李靖討之。擒頡利可汗。用溫彥博策。處其降衆。東至幽州。西至靈州。置定襄

雲中二都督府。以處其衆。突厥既亡。党項吐蕃皆來朝。惟薛延陀高昌不服。遣李世勣侯君集討滅之。又使王元策征印度。虜其王以歸。是時版圖之廣。雖秦漢之盛。莫之能及。惟高麗不服。太宗自將征之。無功而還。至高宗之世。高麗始爲唐所滅。

武韋之禍

太宗崩。子高宗治立。長孫無忌褚遂良輔政。一時稱治。武后者。名嬰。武士彠女也。太宗世爲才人。太宗崩。出爲尼。高宗入寺見之。使蓄髮。內之宮中。拜爲昭儀。會王皇后廢。高宗將立昭儀爲后。無忌遂良俱以忤旨得罪。武氏明敏多權數。高宗寵之。常使參決政事。自是權與人主侔矣。高宗崩。子中宗哲立。未幾被廢。徙之房州。弟豫王旦立。事一決於太后。太后乃大誅唐宗室。改國號爲周。徐敬業者。英國公世勣子也。起兵謀興復。不克而死。

其後后用狄仁傑言。召中宗還京師。以旦爲相王。張柬之等以兵入宮。誅太后嬖人張昌宗易之兄弟。中宗復位。武后踰年而崩。

二張之誅也。或勸張柬之等並誅武三思。不聽。及中宗復位。用三思爲司空。大用事。三思乃譖柬之等。封爲五王。罷其政事。後皆死於貶所。韋后通於三思。三思惡太子重俊欲去之。重俊不勝忿。起兵誅三思。後兵潰而死。后淫恣益甚。中宗知之。浸不悅。后懼。乃與其女安樂公主合謀。置毒餅中。中宗崩。后立溫王重茂。相王子臨淄王隆基。罷潞州別駕在京師。乃結京營隊將葛福順陳元禮等。誅諸韋典兵者。然後入斬韋后。其黨宗楚客紀處訥等皆誅死。相王卽位。是爲睿宗。

元宗功業不終

睿宗立未幾。自稱太上皇。讓位於太子隆基。是爲元宗。元宗用姚崇宋璟爲相。崇善應變。璟善守經。唐世言賢相者。前稱房杜。後稱姚宋。及在位既久。浸以驕侈。張九齡爲相。數以強諫忤旨。尋罷。以李林甫代之。林甫爲相二十年。專以柔佞自結於上。而所傾陷者甚衆。元宗不之悟也。元宗又納其子壽王妃楊氏爲貴妃。貴妃有盛寵。姊妹出入宮掖。烜赫傾一時。兄釗後賜名驟貴。代林甫爲相。卒釀成安史之亂。

安史之亂

元宗卽位既久。稍喜邊功。於沿邊置十節度使。皆統重兵鎮守。外藩之勢驟重。安祿山者。本營州胡。初在張守珪麾下。嘗有罪當死。元宗赦而用之。使爲范陽平盧節度使。旋又兼領河東。祿山初心憚李林甫。及楊國忠爲相。視之蔑如也。國忠數言其必

反。元宗不信。國忠每以事激之。欲其速反。以實其言。祿山乃舉所部兵及奚契丹凡十五萬反於范陽。自稱大燕皇帝。遣高仙芝封常清討之。俱以倉卒募兵而敗。東京陷。二人俱被誅。以哥舒翰代之。時郭子儀李光弼之兵戰河北屢勝。祿山大恐。哥舒翰守潼關。元宗信楊國忠言。謂祿山兵弱易與。趣翰出關迎敵。翰敗被執。賊遂入關。車駕幸蜀。賊入京師。

車駕至馬嵬驛。留太子東討賊。已而太子卽位於靈武。是爲肅宗。尊元宗爲太上皇。肅宗以廣平王俶爲天下兵馬都元帥。李泌爲長史。與郭子儀等並回紇之兵。進復西京。遣使請上皇還京師。已而東京亦復。會祿山爲其子慶緒所弒。賊將多降。官軍遂圍慶緒於鄴。大局垂定。史思明者。事祿山爲大將。祿山死。以范陽來降。使爲范陽節度使。已而復反。自將救鄴。大破官軍於

相州。九節度之師同時俱潰。思明乃殺慶緒。自稱大燕皇帝。破李光弼於邙山。將圖入關。其子朝義屢戰皆敗。思明責之。朝義遂弑思明。朝義與官軍戰屢敗。其下多降。遂自縊而死。於是安史之局結。

藩鎮跋扈

朝義既死。河北略定。時肅宗已崩。子成王豫王即廣平立。是爲代宗。用僕固懷恩言。以降將薛嵩田承嗣李懷僊爲河北諸鎮節度使。諸鎮相與結爲婚姻。樹立黨援。以抗朝廷。代宗厭苦兵革。專事姑息。遇更代之際。輒使中使問軍中所欲立。因以授之。不復出自朝廷之意。自是迄唐亡而不能改。

朱泚之亂

代宗崩。子雍王适立。是爲德宗。李希烈反。發涇原兵討之。士卒

以賞薄作亂。召禁兵禦賊。無一至者。乃出幸奉天。時朱泚在京師。亂兵奉之爲主。泚圍奉天。會李懷光兵至。乃解。懷光素惡宰相盧杞。昌言見天子請誅之。杞聞之大恐。乃白遣懷光引兵收京師。不令入見。懷光知爲杞所賣。遂叛。與泚合。德宗乃再幸梁州。後李晟帥駱元光渾瑊之兵。大破賊於西京光泰門外。泚亡走。爲其下所殺。懷光兵敗自縊死。

憲宗中興

德宗崩。子順宗誦立。會有疾。傳位於太子純。是爲憲宗。憲宗詢治道於杜黃裳。黃裳言德宗自更憂患。一意姑息。陛下欲爲治。須以法節制藩鎮。然後太平可圖也。憲宗善之。數年之間。劉闢。楊惠琳。李錡相繼伏誅。淮西節度使吳少陽死。子元濟稱兵拒命。討之久而後克。河北諸鎮聞淮西平。皆恐。李師道。王承宗俱

獻地。遣子弟至京師。請贖罪。憲宗赦承宗。詔諸將發兵討師道。破斬之。初魏博田季安卒。軍士奉兵馬使田興爲帥。興遣使請吏。憲宗以興爲節度使。賜姓名田弘正。自代宗以來。方鎮跋扈。垂六十年。至是皆奉朝命。不敢有異志。

再失三鎮

憲宗末年浸驕。信用方士。服其藥。多暴怒。爲宦者陳弘志所弒。子穆宗恒立。留意聲色。怠於政事。宰相崔植杜元穎皆庸碌下才。闇於大計。朱克融王庭湊作亂。史憲成繼之。旬月之間。三鎮俱反。討之俱不克。朝廷不得已。乃赦其罪。以朱克融爲平盧節度使。王庭湊爲成德節度使。史憲誠爲魏博節度使。由是盡失河朔。終唐世不能復取。

甘露之變

自憲宗爲陳弘志所弒。穆宗不能問。至敬宗復遇弒。宦人之勢積重。文宗惡仇士良等不能去。與李訓鄭注謀之。一日方視朝。金吾將軍韓約。奏左金吾廳事石榴夜有甘露。文宗命仇士良帥諸宦者視之。士良見風吹幕動。甲兵甚衆。大驚。卽走上殿。奉乘輿自殿後出。以神策兵禽宰相王涯舒元與等。誣以謀反。皆誅死。自是天下事皆決於北司。宰相惟奉行文書而已。

李德裕相武宗

武宗立。以李德裕同平章事。初憲宗之世。牛僧孺李宗閔以對策譏切時政。爲德裕父吉甫所黜。遂與德裕交惡。文宗時。僧孺宗閔入相。出德裕鎮西川。德裕在鎮。建籌邊樓。蜀人安之。及入相。首請政事悉出中書。於是事權始一。昭義節度使劉從諫卒。其子縝自爲留後。德裕勸武宗發兵討之。縝爲其下所殺。每河

朔三鎮使至。德裕常召至面諭之。三鎮皆惕息。自元和後數用兵。宰相或不得休沐。德裕從容裁決。沛然如無事時。

宣宗復河湟

自天寶亂後。西北之地。半沒於吐蕃。代宗時。數入犯京師。德宗遣渾瑊與盟於平涼。吐蕃謀以兵劫取瑊。不果。至是吐蕃內亂。大臣論恐熱謀篡位。以兵攻尙婢婢於鄯州。敗歸。於是吐蕃三州樂三原州安七關六石門驛俱在制平涼石峽界木峽皆來降。河隴老幼千餘人詣闕。宣宗御延喜樓見之。謹呼舞躍。解胡服。襲冠帶。其後杜悰又取維州。卽李德裕鎮四川時。悉怛謀取獻地也。

黃巢之亂

唐自懿宗後。朝政日紊。及僖宗立。專事遊戲。委政宦人。呼田令孜爲阿父。未幾而黃巢之亂作。巢舉進士不中。從王仙芝爲盜。

仙芝敗死。巢勢轉盛。遂入京師。僖宗出幸蜀。沙陀人李克用。與其父國昌。以得罪亡在韃靼。召以爲雁門節度使。克用引兵與巢軍遇於渭南。一日三捷。遂復京師。巢走。其下斬之以降。克用一目微眇。時人謂之獨眼龍。

唐室之亡

僖宗崩。弟昭宗傑立。時宦官益橫。昭宗以崔胤爲相。胤欲誅宦官。宦官力謀去胤。胤懼。乃以書遣宣武節度使朱全忠。使以兵至京師。宦官知全忠將至。乃劫車駕。依李茂貞於鳳翔。胤往依全忠。全忠圍鳳翔。茂貞危急。乃殺宦官韓全海等。與全忠和。全忠旋殺胤。遷車駕於洛陽。尋弑之。而立太子祝。是爲昭宣帝。尋篡位。唐自高祖卽位。至亡。凡二十主。共二百九十年。

唐世系表

高祖淵——太宗世民——高宗治——

睿宗旦——中宗哲——
 玄宗隆基——肅宗亨——
 代宗豫——

德宗适——順宗誦——憲宗純——

穆宗恆——
 宣宗忱——

敬宗湛——
 文宗昂——
 武宗漚——

懿宗濯——

僖宗儼——
 昭宗傑——
 昭宣帝祝——

五代相繼

唐室既亡。五代繼起。五代者。後梁後唐後晉後漢後周。多者不過十餘年。少則數年而已。四海分裂僭據之國十數。本無所謂正統也。史家姑取五者以紀年數而已。

後梁始末

梁太祖朱全忠。從黃巢爲盜。降後爲宣武節度使。李克用破黃巢。還過汴。全忠館之。克用乘醉語侵全忠。全忠襲之。克用走免。自是治兵相攻。克用殺其驍將李存孝。勢稍弱。不敢與梁爭。梁以其間併取中原諸鎮。其勢始盛。全忠卽位。惟晉岐吳猶稱唐年號。蜀旋稱帝。餘皆奉梁正朔。全忠爲子友珪所弑。均王友貞誅友珪自立。友貞暗弱不振。棄舊臣敬翔李振不用。而用趙巖。及妃兄張漢鼎張漢傑兄弟。國事日壞。唐兵至自殺。後梁凡二主。共一十七年。

後唐始末

莊宗李存勗。父克用。破黃巢有功。爲河東節度使。克用之沒。梁兵方爲夾寨以困潞州。存勗乘其不備。大破之。軍威始振。屢破梁兵於河上。會得傳國寶於魏州。遂卽帝位。及梁亡之後。意寢

驕。伶人景進等用事。將士皆解體。趙在禮作亂於鄴都。遣李嗣源討之。嗣源引兵入大梁。莊宗將如關東。聞大梁不守。引還。伶人郭從謙作亂。莊宗遇弒。嗣源入洛陽即位。是爲明宗。

明宗本克用養子。登極之年。已踰六十。每夕於空中祝天曰。某胡人。因亂爲衆所推。願天早生聖人。爲生民主。在位年穀屢豐。兵革罕用。較於五代。號爲小康。及崩。子閔帝從厚立。其養子從珂弒之。自立。是爲廢帝。石敬瑭作亂。引兵逼京師。廢帝攜傳國寶登元武樓自焚死。後唐凡四主。共十四年。

後晉始末

高祖石敬瑭。明宗壻也。與唐廢帝從珂俱以勇力聞。而不相能。明宗之世。爲河東節度使。廢帝即位。徙敬瑭鎮天平。敬瑭遂反。遣使稱臣於契丹。賂以幽薊十六州之地。請兵爲援。契丹主德

光。自將兵與敬瑭合。册立敬瑭爲晉帝。用桑維翰爲相。維翰務農桑。通商賈。中國粗安。高祖殂。兄子重貴立。用景延廣議。不肯稱臣於契丹。又對其使者出惡言。契丹主大怒。率兵伐晉。晉將杜威等降。契丹主遂入大梁。重貴出降。封爲負義侯。置之黃龍府。晉凡二主。共十一年。

後漢始末

高祖劉知遠。事晉高祖。爲河東節度使。高祖崩。遺詔召知遠入輔政。重貴匿之。知遠由是怨。契丹入寇。知遠知晉必危。而無入援之意。聞契丹已入大梁。乃稱帝於晉陽。契丹去。知遠入都之。而以其弟旻爲太原尹。高祖殂。子隱帝承祐立。郭威史弘肇蘇逢吉楊邠王章同輔政。承祐左右寢用事。每爲執政所抑。皆不悅。勸承祐除之。太后力言不可。不聽。因其入朝執之。邠章弘肇

皆死。遣使殺郭威於鄴。威聞之。遂舉兵犯闕。承祐自出勞軍。爲亂兵所弑。後漢凡二世。共四年。

後周始末

太祖郭威。少賤。黥其項爲青雀。世號郭雀兒。晉高祖崩。威受顧命。屢掌征伐。漢主遇弑。威遣使迎湘陰公贇於徐州。議立之。贇未至。威自卽皇帝位。贇父崇名後因稱帝於晉陽。是爲北漢。太祖無子。以妻弟柴守禮之子榮爲子。太祖殂。榮卽位。是爲世宗。北漢主劉崇聞周主殂。甚喜。乃與契丹同伐周。世宗自將禦之高平。大破之。北漢主僅以身免。世宗初議禦敵。馮道力言不宜自行。周主不聽。道在五代時。歷事四姓十君。嘗自著長樂老敍。歷述生平官爵。君子鄙之。

世宗有混一天下之志。始命王景伐蜀。取秦階成三州。又自將

伐唐。唐兵屢敗。李景懼。割江北地以和。以北鄙未復。乃詔親征。契丹守將多降。盡復關南諸州。進次瓦橋關。得疾引還。世宗殂。子梁王宗訓即位。會報遼師入寇。遣趙匡胤禦之。匡胤自立而還。廢周主爲鄭王。後周凡三主。共十年。

五代世系表

後梁 太祖晃初名全忠——末帝瑱初名友真

後唐 李克用——莊宗存勳——明宗嗣源——
三 閔帝從厚
四 廢帝從珂

後晉 石敬瑭——出帝重貴
 高祖敬瑭——
 後漢 高祖知遠——隱帝承祐
 太祖威——世宗榮——
 後周 恭帝宗訓

十國竊據

自唐之亡。豪傑紛起。互相吞併。始各有分地。綜而計之。爲十國。曰吳。曰前蜀。曰楚。曰閩。曰吳越。曰南漢。曰南唐。曰後蜀。曰荆南。曰北漢。擾擾者凡數十年。至宋始合於一。今列表如左。

十國興亡表

吳	楊行密	亡於南唐
前蜀	王建	亡於後唐
楚	馬殷	亡於南唐
閩	王審知	亡於南唐
吳越	錢鏐	亡於宋
南漢	劉隱	亡於宋
南唐	李昇	亡於宋

後蜀 孟知祥 亡於宋

荆南 高季興 亡於宋

北漢 劉崇 亡於宋

契丹之興

契丹本東胡遺種。姓耶律氏。居鮮卑故地。至唐始大。後梁時。其主阿保機稱帝。國人謂之天皇王。屢與唐莊宗構兵。互有勝負。阿保機殂。其子德光立。改國號曰遼。以兵納石敬瑭。猝得幽薊十六州之地。後伐晉而歸。沒於道。自是篡弒相仍。三傳至耶律賢。值宋太祖卽位。遂與中國復通好。

初等小學 中國歷史讀本卷二

趙宋之興

太祖皇帝趙匡胤。仕周。從世宗征伐。屢立大功。人望歸之。卒受周禪。因周之舊。定都大梁。後欲定都洛陽。以晉王光義言而止。太祖卽位一年。併荆南。三年滅蜀。八年平南漢。十一年下南唐。時四方僭號皆盡。惟北漢恃遼之援。至太宗時始滅。吳越亦於太宗時。以地來獻。

自唐中葉後。藩鎮之勢積重。太祖欲革其弊。嘗召石守信。王審琦飲酒。從容勸其謝去兵權。二人皆受命。又與趙普謀。令節鎮所領支郡。俱直隸京師。得自奏事。自是藩鎮之權始輕。

德昭廷美之死

初杜太后病篤。語太祖。百歲之後。當傳位光義。光義傳廷美。仁

太祖弟 廷美傳德昭。太祖子 太祖泣而受命。太后因命趙普爲誓書。

署曰臣普記。及光義嗣位。是爲太宗。太宗自將平太原。北漢都城 乘勝伐遼。敗還。久不行太原之賞。德昭以爲言。伐遼之役。軍中嘗夜驚。不知乘輿所在。有謀立德昭者。太宗知之。不悅。乃謂德昭曰。待汝自爲。賞未晚也。德昭懼而自殺。太宗嘗以太后遣令訪普。普曰。太祖一誤。陛下豈容再誤。廷美遂得罪。

宋遼交兵

太祖與遼通好。北邊無事。及太原既下。太宗以爲燕薊可圖。遂舉兵伐遼。與遼耶律休哥戰於高粱河。大敗而回。後數年。遣曹彬伐遼。休哥敗之於岐溝。休哥善用兵。遼以爲裕悅。猶中國之總統。時遼人連年入寇。諸將多敗。楊業戰死。休哥以兵數萬邀李繼隆於徐河。巡檢使尹繼倫自後襲之。遼軍驚潰。休哥傷臂。

創甚。乘善馬遁去。遼人爲之奪氣。自是不敢大入寇。

澶州之盟

真宗景德元年。契丹主隆緒。同其母蕭氏。大舉入寇。直抵澶州。羣臣多獻避敵之計。惟寇準力勸親征。從之。車駕旣渡河。御北城門樓。軍士望見御蓋。皆呼萬歲。契丹奪氣。已而契丹數千騎來薄城下。詔士卒迎擊。斬獲大半。契丹乃遣其臣韓杞來請和。真宗遣曹利用報之。約每歲遺契丹銀絹各有數。契丹遣丁振持誓書來。以兄禮事宋。各罷兵。

天書之妄

真宗自澶州還。眷準甚厚。王欽若嫉之。讒之曰。城下之盟。春秋恥之。陛下反以準爲有功。過矣。準寵遂衰。尋罷。真宗自聞欽若言。意常不慊。欽若知之。乃勸爲封禪以自解。真宗是之。而苦無

符瑞。欽若密使人以帛爲書。置承天門南鷗尾上。謂之天書。初
眞宗與欽若謀。慮王且不可。乃賜之酒。發之皆美珠也。且由是
不敢復言。詔以且兼封禪大禮使。

用兵西夏

太宗之世。定難留後李繼捧以銀夏綏宥四州來降。賜姓名趙
保忠。其弟繼遷叛。屢侵擾爲邊患。其後繼遷死。子德明嗣。頗恭
順。德明之子元昊。素桀驁。仁宗時。大舉入寇。韓琦遣任福與戰
於好水川。敗死。元昊雖屢勝。然死亡者多。國內嗟怨。种世衡以
計間其驍將二人。元昊殺之。兵勢稍弱。元昊乃上書請和。因册
元昊爲夏國王。

神宗變法

神宗爲穎王時。卽聞王安石名。及卽位。用以爲相。安石請變法。

圖自強。神宗善之。大臣韓琦富弼司馬光等俱力言不可不聽。安石之法。以理財爲先。大都仿用周禮而意不盡合。又性愎。呂惠卿曾布等因互相傳會以迎合其意。安石爲相數年而罷。而其法行於一時。訖神宗世沿而不改。

哲宗紹述

神宗沒。哲宗立。太皇太后高氏稱制。首用司馬光。光爲相。一反安石所爲。安石時在金陵。聞朝廷變其法。夷然不以爲意。及罷免役法。復差役。愕然曰。亦罷至此乎。旣而曰。此法終不可罷。蓋免役差役各有利弊。未可遽定孰是而孰非也。太后崩。哲宗親政。用章惇爲相。一依神宗之舊。謂之紹述。於是朝局大變矣。

宋業始衰

哲宗無子。弟端王佖立。是爲徽宗。用蔡京爲相。京立意與元祐

哲宗初 諸賢爲難。輯司馬光文彥博以下姓名。謂之姦黨。請帝御書立於端禮門。時天下太平。府藏充溢。京勸帝從事奢侈爲娛樂。薦朱勗典花石綱。百方運致。所至騷擾。兼之梁師成王黼等用事。皆儉邪小人。亂象始構矣。

金代之興

女真本靺鞨遺種。號完顏部。遼道宗時。其酋烏古迺以功爲生女真節度使。傳至阿骨打。漸強盛。時遼天祚不恤政事。阿骨打遂叛。攻克甯江州。屢敗遼兵。遂稱帝。國號金。天祚自往征之。渡混同江。會有內亂引還。阿骨打追擊。大敗之。天祚懼。乃遣使册阿骨打爲東懷國皇帝。不受。

遼國之亡

遼之盛時。分其國爲五京。自有金人之難。數年之間。盡失之。天

祚窮蹙。乃謀奔夏。聞夏已附金。不敢往。乃如黨項。在道爲金將所獲。遼自阿保機稱帝。至亡。凡九主。共二百十年。有耶律大石。遼之族人。率衆西走。回鶻諸部歸之。因擊定西域各國。遂稱帝。於起兒漫。是爲西遼。傳至直魯古。爲乃蠻所滅。距天祚之亡。凡七十餘年。

徽欽北狩

徽宗之末。遣使如金。議夾攻遼。金宋始通。旣而金以宋多納其叛亡。遂有隙。時金太宗初立。天祚已就獲。乃遣粘沒喝幹。離不分道南侵。盡取燕山州縣。徽宗問金師日迫。乃下詔傳位於皇太子桓。是爲欽宗。自稱太上皇。金人圍京師。李綱力戰禦之。金人來議和。詔割河北太原河間中山三鎮畀之。金師退。旣而羣臣多言三鎮不可棄。乃復命各處固守。金人旣不得地。遂復分

兵入犯。都城陷。金人立張邦昌爲楚帝。以二帝併后妃太子宗戚大臣北去。宗澤時在黎陽。謀出兵要其歸路。而勤王之師無至者。不果。

高宗南渡

高宗名構。徽宗子也。卽位於南京。東京留守宗澤請還京師。不報。金人聞高宗立。分三道來侵。高宗出幸杭州。苗傅劉正彥作亂。逼高宗傳位太子。張浚呂頤浩以兵討賊。以韓世忠爲前鋒。執傅正彥誅之。高宗復位。金兵入杭州。避之入海。金兵退乃還。韓世忠駐兵江上。邀其歸路。兀朮至不得渡。大窘。有閩人獻火攻之策。世忠軍敗。兀朮始遁去。然自是不敢復渡江矣。

吳玠守蜀

金師在浙。張浚謀由陝西一路以擣其虛。合兵四十萬。次於富

平。與金婁室戰。大敗。乃退軍興州。而命吳玠守和尚原。金人來攻。屢敗。兀朮怒。自至攻玠。玠設伏以待之。兀朮中二流矢。僅以身免。蜀地獲全。

劉豫據汴

宗澤守東京。每有奏請。屢爲黃潛善汪伯彥所扼。悲憤而卒。以杜充代之。充無材略。尋召還。東京遂爲金有。時金人雖屢獲全勝。然兵還之後。所得地皆失之。乃謀以中國敵中國。如張邦昌故事。適劉豫降於金。金以爲齊帝。以陝西河南地畀之。豫遂入都於汴。其後豫出兵伐宋皆敗。金人知不可恃。執而廢之。始置行臺於汴。

紹興和議

金自與宋失好。搆兵十餘年。宋每遣使奉表請緩師。俱不應。及

金主亶立。畧有許和之意。秦檜被執在金。金陰縱之還。檜至得大用。專以議和爲言。時宋師屢勝。岳飛大破金兀朮於郾城。進駐朱仙鎮。去汴京四十里。檜諷朝臣請班師。一日下金字牌十二至飛軍中。飛不得已。撤兵還河南。所得州縣復爲金有。檜惡飛甚。誣以謀反。斃之獄。

金亮南侵

金主亶嗜酒。每於醉後殺人。其臣完顏亮弑之自立。亮欲伐宋。其母徒單后沮之。不聽。自率大軍渡淮而南。虞允文大破之於采石。時金曹國公烏祿已自立於遼陽。亮欲渡江。爲其將耶律元宜所殺。退三十里。遣人至鎮江軍議和。

孝宗圖恢復

高宗無子。養太祖後伯琮爲太子。改名昚。是爲孝宗。孝宗有志

興復。以張浚爲樞密使。督視江淮軍馬。與金人戰。大敗於符離。金兵渡淮逼揚州。於是和議復起。定約改君臣之禮。爲叔姪之稱。歲幣銀絹之數略加裁減。自是和好如故。

光宗內禪

高宗爲太上皇十四年。及崩。孝宗用高宗故事。傳位於子光宗。光宗惑於悍后李氏之言。不以禮事孝宗。或經時不往朝。及孝宗崩。又不肯執喪禮。忽一日視朝。仆於地。時趙汝愚爲宰相。乃奉嘉王擴卽位。是爲甯宗。甯宗之時。韓侂胄專政。竄汝愚於永州。汝愚道卒。朱熹以上書忤侂胄削官。熹在當時以講學稱。羣小謂其蠱惑後進。乃詔嚴僞學之禁。

韓侂胄伐金

韓侂胄專政十餘年。權傾人主。有勸以立大功以自異者。時金

北鄙多叛。連年征討。國勢稍弱。侂冑以爲機會可乘。遂舉兵伐金。已而各道皆敗。金人已臨近境。侂冑大悔。遣使如金議和。金人必欲得侂冑首。故議久不決。史彌遠惡侂冑。密請誅之。函其首以畀金。和議復定。

蒙古之興

蒙古奇渥溫氏。居與和林相近。世屬於遼金。至也速該始强大。生太祖鐵木真。幼孤。部衆皆歸族。秦赤烏部。秦赤烏率衆來攻。鐵木真與戰破之。宋甯宗開禧二年。稱帝於斡難河。是爲太祖。自稱成吉思汗。未幾。金章宗殂。衛王永濟立。頒詔蒙古。太祖問新君爲誰。使者以告。太祖南面唾曰。我謂中原皇帝是天上人。做得此等庸懦。亦爲之耶。遂爲叛金之計。

金人遷汴

金自章宗後。國勢漸衰。及衛王永濟立。而有蒙古之難。衛王用胡沙虎爲副元帥。以拒蒙古。胡沙虎不恤軍事。衛王責之。胡沙虎作亂。遂弑之而立昇王珣。是爲宣宗。蒙古圍燕京。宣宗以衛王之女歸蒙古以求和。蒙古兵既去。宣宗以燕京不可守。遷都於汴。太祖聞之怒曰。既和而遷。是有疑心。而不釋憾。特以和爲款。我之計耳。遂進兵復圍燕。

蒙古平西域

太祖既克金燕京。略定州縣。以兵事付木華黎。率兵伐西域。進薄回回國。其王逃至海島。瘐死。於是擊定西域諸城。置達嚕噶齊。猶今中國長國也。監治之。太祖進掠忻都。度即也。以暑甚。班師。其別將逾西和嶺。襲欽察部。欽察求援於阿羅思。羅即俄斯。阿羅思合各國兵赴之。大爲蒙古兵所破。聞太祖已班師。亦引還。

蒙古滅夏

自宋南渡。夏人臣服於金。凡數十年。其後復與金交惡。治兵相攻。及蒙古木華黎來侵。夏人懼。使人宴木華黎於河南。以兵助之攻金。已而兩國俱敝。復議和好。定爲兄弟之國。太祖入夏。城邑皆降。夏主德旺以憂卒。弟子覲立。遂爲蒙古所滅。時宋理宗三年也。太祖自夏歸。避暑於六盤山。未幾殂。太宗蒙哥立。

蒙古滅金

金自都汴之後。惟恃潼關爲固。及三峯之敗。健將銳卒皆盡。陝西諸將棄潼關而遁。金哀宗守緒知汴京不可守。乃出奔歸德。守將崔立迎降。哀宗復由歸德走蔡州。蒙古塔齊爾圍之。宋使孟珙以兵來會。哀宗傳位於宗室承麟。自縊而殂。城陷。承麟亦爲亂兵所殺。金自太祖稱帝。至亡。凡九主。共一百二十年。

遼世系表

太祖阿保機
 太宗德光
 穆宗述律
 東丹王圖欲
 世宗兀欲
 景宗賢
 聖宗隆緒

興宗宗眞
 道宗洪基
 太子濬
 天祚帝延禧


金世系表

太祖旻
 太宗晟
 宗峻
 熙宗亶
 宗幹
 廢帝亮
 宗輔
 世宗雍

太子允恭
 章宗璟
 廢帝允濟
 甯宗珣
 哀宗守緒

夏世系表

太祖繼遷
 太宗德明
 景宗元昊
 毅宗諒祚
 惠宗秉常
 崇宗乾順



蒙古拔都西征

太宗既滅金。乃遣諸王拔都等分討西域。欽察諸部。其酋逃之海島。會大風刮海水。其淺可涉。遂生擒以歸。因進兵阿羅思。陷莫斯科。復分兵爲二道。一自馬札兒牙利之甸。渡多腦河。一自孛烈兒爾今土之波。侵西力西河。歐洲諸國皆震恐。會太宗訃至引還。

蒙古滅宋

宋既與蒙古會兵滅金。復用趙范趙葵計。以兵襲取汴京。及蒙古兵至。遁歸。自是始與蒙古構釁。蒙古太宗自將伐宋。圍合州。


而遣其弟忽必烈攻襄陽。賈似道奉命救襄陽。畏蒙古兵盛不敢進。私遣人稱臣乞退師。會蒙古王殂於合州城下。忽必烈急欲歸國。許之。似道還朝。匿不以聞。忽必烈既嗣位。遣郝經來徵前約。似道懼事泄。拘之眞州。蒙古兵圍襄陽。凡五年。守臣呂文煥力屈出降。


襄陽既破。中外大震。時宋理宗殂。度宗立。專倚似道以辦敵。似道謬請督師。而遣人上書留己。及元師日近。改時稱蒙古似道不得

已。出次蕪湖。與元兵遇。孫虎臣夏貴之師皆潰。似道走入揚州。元伯顏入臨安。以幼主熹及皇太后全氏福王與芮等北去。宋陳宜中奉益王昞立於福州。以文天祥都督諸路軍馬。開府南劍州。元阿剌罕兵至。益王遁入海。尋卒。天祥亦被執。宋人復立其弟昺。居於新會之厓山。元兵來襲。陸秀夫負之赴海死。宋自

太祖即位。至是凡十八主。三百十九年。

宋世系表





元世祖之立

元世祖忽必烈。憲宗母弟。憲宗之世。受命統治漠南。開府金蓮川。憲宗殂。忽必烈北還。諸王奉之卽位。蒙古自太祖用耶律楚材。粗立法度。及世祖用劉秉忠。許衡。姚樞等。一代之制始備。初改國號曰元。以卽位之年。爲中統元年。遂定內外官制。凡官之長。皆以蒙古人爲之。而漢人貳焉。又用劉秉忠言。遷都於燕。號曰大都。以開平爲上都。以備巡幸。卽位十六年。平宋。世祖以國用不給。別設尙書省。用阿合馬。盧世榮。桑哥等。俱以言利得幸。後皆誅死。

東南用兵

初。元使杜世忠等往通日本。日人殺之。乃命阿剌罕伐之。阿剌罕率於軍。范文虎等航海至平壺島。平或作戶遇颶風。舟敗。諸將各擇堅艦乘之遁去。棄士卒十餘萬於海島。盡爲日人所殺。惟餘南人萬人。不殺而奴之。復議伐之。同時又有安南之役。羣臣請罷征日本。專擊安南。許之。其後安南亦不能成功。

海都之叛

初世祖之立。惟阿里不哥不服。自稱帝於和林。太宗之孫海都亦附於阿里不哥。及阿里不哥敗。世祖赦而不治。世祖末年。海都寇邊。遣伯顏討之。或譖伯顏與海都通好。召還。詔皇孫鐵木兒撫軍北邊。世祖崩。皇孫卽位於上都。是曰成宗皇帝。故太子眞金子也。海都尋兵敗走死。

武仁繼立

成宗之世。以兄子海山爲懷甯王。鎮青海。後又出其弟愛育黎拔力八達居懷州。成宗崩無子。皇后欲立安西王阿難答。世祖海山使者在京師。左丞相和禮霍孫與之謀。且密報愛育黎拔力八達於懷州。海山馳至上都。卽位。是爲武宗。以愛育黎拔力八達爲皇太子。約後傳位於武宗之子。和世竦。及愛育黎拔力八達立。是爲仁宗。仁宗在元世爲令主。惟惑於左右之言。出和世竦於雲南。及仁宗崩。子英宗碩德八剌立。爲鐵失所弑。

文宗篡立

英宗遇弑。諸王迎晉王也孫鐵木兒太子立之。是爲泰定帝。在位五年。崩於上都。燕帖木兒嘗事武宗。欲立其子。時武宗之子長周王和世竦。逃居漠北。次圖帖睦爾居江陵。乃遣使告

之。圖帖睦爾至。權卽帝位。而遣使至漠北奉迎。泰定帝之太子已立於上都。圖帖睦爾遣兵攻陷之。太子不知所終。和世竦行至漠北卽位。是爲明宗。圖帖睦爾於道奉迎。明宗暴崩。或曰燕帖木兒之爲也。圖帖睦爾卽位。是爲文宗。文宗德燕帖木兒。委以國政。文宗崩。明宗之次子懿璘質班立。二月而崩。是爲甯宗。復立明宗之長子妥歡帖睦爾。是爲順帝。燕帖木兒之子唐其勢。以謀反伏誅。

元末羣盜

順帝卽位。日縱淫樂。不恤國事。於是四方羣盜。方國珍。徐壽輝。劉福通。明玉珍。張士誠等。相繼而起。滁人朱元璋起兵據滁州。丞相脫脫出視師。大破張士誠於高郵。賊勢稍戢。遇讒而死。以太不花。諱江與者。是國則珍。一戰人敗。死代之。賊遂不可制。旣而察罕帖木

兒平定山東河南各州邑。兵勢甚盛。後爲降將田豐所害。於是東南數千里。無有一人任討賊者。而朱元璋得以破滅羣雄。以成坐大之勢。

元末內訌

察罕帖木兒與孛羅帖木兒爭晉冀有隙。察罕死。子擴廓帖木兒代領其衆。孛羅遣兵襲之。爲擴廓所敗。時順帝委政太子。搠思監爲宰相。與內監朴不花表裏爲奸。太子信之。御史老的沙表言二人罪狀。太子怒。黜老的沙使歸田里。老的沙匿孛羅軍中。太子愈怒。因貶孛羅官爵。孛羅遂舉兵犯闕。太子拒戰不利。北走。順帝執搠思監朴不花付孛羅殺之。孛羅乃還大同。太子恨孛羅不已。命擴廓攻大同。孛羅尋爲其下所殺。乃封擴廓河南王。總制諸道兵馬。而諸將李思齊張良弼。以故與察罕等夷。

不肯受節制。太子亦不悅。擴廓欲奪其兵。悉黜其官爵。擴廓不受命。遣關保摩該討之。皆爲所殺。乃赦擴廓。令出兵河洛。詔下而明兵已迫。擴廓退至太原。尋從其主於和林。病卒。


順帝北去

順帝二十八年。吳王朱元璋。命其將徐達等帥兵二十五萬渡河而北。山東州縣盡失。達等乃會諸將於臨清。進兵直抵通州。順帝命淮王帖木兒不花監國。與左丞相慶同同守京師。率后妃皇太子避兵北行。明兵至。填濠而入。淮王及慶同死之。踰年。順帝崩於應昌。元自滅宋後。至是凡十主。共八十九年。

元世系表

朮赤

察合台



明代之興

太祖高皇帝朱元璋。濠州鍾離人。年十七。父母及兄相繼死。貧無依。入皇覺寺爲僧。元季東南大亂。往滁州依郭子興。子興奇之。以所撫馬公女妻焉。子興爲彭早住趙均用所制。二人皆盜

賊之餘。無遠略。元璋知其無成。乃與其下數百人渡江。下集慶路。改爲應天府。時陳友諒張士誠境土相接。勢張甚。元璋與友諒戰於鄱陽湖。友諒中流矢死。復攻張士誠。滅之。後降方國珍。東南州縣以次平定。遂出師北伐。以有天下。

太祖以胡惟庸爲宰相。劉基力言不可。不聽。惟庸恃權驕恣。恐太祖知之。因謀爲逆。請太祖幸其第。而伏壯士以待。車駕已出。內侍雲奇告變。遂族誅惟庸。株連甚衆。太師李善長亦坐死。自是遂罷丞相不設。分其政於六部。踰數年。涼國公藍玉以怨望誅。列侯坐黨夷滅者萬餘家。謂之胡藍之獄。

靖難兵起

太祖鑒前代孤立之患。大封諸子。燕王棣素驍勇。屢立邊功。任寄尤重。及太祖崩。太子標早卒。太孫允攸嗣位。是爲惠帝。齊泰

黃子澄獻削藩之策。湘王柏齊王博代王桂岷王樞皆得罪。棣遂舉兵反。以誅泰子澄爲名。名其兵曰靖難。耿炳文李景隆皆大敗。棣兵攻東昌。盛庸與戰。斬其將張玉。棣兵遁還。棣遂棄山東。改道由徐沛南下。渡江直犯京師。城陷。宮中火起。建文帝不知所終。棣卽位。是爲成祖。改都燕。號曰北京。而以應天府爲南京。

用兵安南

安南黎季犛弑其主陳日焜自立。尋傳位於其子查。遣使表言陳氏世絕。已爲衆所推。成祖信之。封查爲安南王。已而陳天平來奔。備言本末。帝遣使責查。查謝罪。請迎天平歸國。成祖以兵送之。查伏兵邀殺天平。成祖大怒。命張輔伐之。執季犛父子。改其地爲郡縣。設交趾布政司。以黃福領之。其後交趾屢叛。輔凡

四至討平之。至宣宗時。以黎利亂久不平。楊榮楊士奇知宣宗厭兵。勸下詔赦利罪。悉召吏士北還。自是安南復自立國。

成祖北征

元自順帝北去。數傳均遇弒。乃去帝號稱韃靼。有阿魯台者。迎元裔本雅失里立爲汗。成祖遣使諭之。爲所殺。乃命邱福帥師往征。福輕進敗沒。成祖自將出塞。本雅失里遁走。移師擊阿魯台。降之。後本雅失里爲瓦剌所殺。阿魯台來乞師。成祖復親征。破瓦剌於圖拉河。阿魯台初以瓦剌之迫。謬爲親附。及生聚浸盛。復桀驁。成祖再出至沙狐原。阿魯台北遁。其後聞阿魯台在近邊。復幸開平。阿魯台遠遁。成祖回至榆木川而崩。時太監鄭和七次奉命出使南洋。三易番長。遠夷震懼。來朝者三十餘國。

土木之變

仁宣之世。楊士奇。楊榮。楊溥爲相。號稱三楊。及英宗時。三人相繼沒。於是中官王振始用事。時瓦剌脫歡死。其子也先漸桀驁。嘗以二千人貢馬。號三千。王振命減其數也。先怒。分道入寇。振勸帝親征。大臣多言不可。皆不聽。師至大同。郭敬密止之。始班師。還至土木也。先兵已至。圍御營不得發也。先遣使僞請和。遣曹鼐草詔與之。振遽命移營。回旋間行列已亂。敵大呼四面蹂入。人衆蹈籍死也。先擁乘輿北去。

英宗復辟

英宗北狩。弟郕王祁鈺以太后命卽位。是爲景帝。景帝以兵事委于謙。謙有文武才。戰守甚設也。先入犯京師。不得志。始有歸上皇之意。上皇旣歸。入居南宮。初景帝廢上皇太子見深。而立其子見濟。尋卒。儲位久未定。景帝有疾。石亨曹吉祥等率衆毀

南宮門。奉上皇復位。亨素與謙有隙。誣以欲立襄王太子。謙坐棄市。其後亨吉祥俱以謀反誅。始命雪謙冤。復其官。

孝宗之治

英宗崩。太子見深立。是爲憲宗。寵萬貴妃。妃性妒。後宮有子皆不育。紀妃生子命溺之。太監張敏密取哺之。憲宗一日召敏櫛髮。歎曰。老旣至而無子。敏白其狀。憲宗大喜。立命人語內閣。賜名祐。立爲太子。卽孝宗也。憲宗末年。以汪直主西廠。所羅織甚衆。又用方士李孜省僧繼曉太監梁芳等。朝政甚紊。萬安爲宰相。夤緣萬貴妃。託爲同宗。以固其寵。孝宗卽位。盡誅羣小。遂萬安。而用劉健謝遷等。孝宗銳意圖治。嘗御經筵。命儒臣日講。皆稱先生不名。明自仁宣以後。惟孝宗號爲令主。

宸濠之反

孝宗崩。太子厚照立。是爲武宗。太監劉瑾用事。劉健謝遷俱罷去。及瑾誅。江彬大幸。武宗喜爲微行。屢至宣府。宸濠者。甯王權之後。改封江西。陰有異圖。武宗以御史言。命削其護衛。宸濠遂反。引兵圍安慶。巡撫南贛王守仁急攻南昌。陷之。宸濠還救。守仁與戰。宸濠兵敗被禽。時武宗用羣小言。假親征南遊。守仁捷奏至。乃命放宸濠湖中。俟自擒。守仁乃以宸濠付張永。永知守仁忠。常擁護之。武宗至南京受俘。回至京師。誅之。

大禮之議

武宗崩無子。大學士楊廷和以太后命迎興獻王世子厚熹卽位。是爲世宗。詔議崇奉興獻王典禮。楊廷和建議宜稱孝宗曰皇考。興獻王曰皇叔父。妃曰皇叔母。世宗不悅。乃用張璁言。尊興獻王爲興獻帝。祖母曰皇太后。母曰興獻后。桂萼又希帝旨

請稱孝宗爲皇伯考。孝宗后曰皇伯母。武宗曰皇兄。從之。張桂二人以此驟貴。而廷和等相繼得罪去。

嚴嵩當國

自張璁桂萼後。夏言浸嚮用。嚴嵩與言同里。事言甚謹。後見言眷浸衰。乃傾言殺之。遂爲首相。會俺答寇京師。嵩諷諸將勿輕動。令賊得飽掠而去。楊繼盛沈鍊俱以劾嵩誅死。世宗後浸厭嵩。徐階日親貴用事。御史鄒應龍林澗先後劾嵩並其子世蕃不法罪。帝遂罷嵩。下世蕃詔獄。世蕃尋伏誅。嵩年老。寄食墓舍以死。

沿海倭患

嘉靖初。用夏言議。罷市舶提舉司。倭人至者。皆主商人。久而商人多負其值。不還。倭人窘。遂資寇掠爲生。而浙閩大姓多爲

之內主。巡撫朱統誅通倭者數十人。其黨大譁。賂御史詆統去之。統自殺。倭患遂劇。總督張經敗倭於王江涇。以與趙文華不協得罪。以胡宗憲代之。宗憲誘殺海寇徐海汪直等。倭勢稍戢。後爲俞大猷戚繼光所攻。擒斬略盡。

議復河套

河套古朔方地。唐三受降城在焉。地平曠。多水草。明之中葉。棄而不守。蒙古餘種入居之。大爲邊患。王越嘗襲之於紅鹽池。擄其廬帳。虜遁去。後復盜據如故。嘉靖時。曾銑總督三邊。俺答入寇。銑出兵擊退之。因進復套之議。夏言力主其說。世宗許之。嚴嵩惡言。因極言套地必不可復。且及銑擅開邊釁罪。言與銑皆坐死。自是終明世無敢言復套者。

俺答封貢

嘉靖時。俺答屢入寇。沿邊騷動。俺答有孫曰把漢那吉。幼孤。育於俺答之妻。及長。聘俺答之外孫女三娘子爲妻。俺答見其美。奪之。把漢那吉恚而來降。總督王崇古奏請撫之。時穆宗立。高拱張居正爲相。力主其說。詔授指揮使。俺答妻欲得其孫。晝夜哭。俺答患之。遣使來請命。巡撫方逢時令縛叛人趙全邱富等。以易把漢那吉。俺答奉命。乃遣歸。俺答遣使報謝。尋封俺答爲順義王。自是邊郵晏然。不見兵革者二十餘載。

江陵相業

神宗初立。年甫十歲。張居正當國。居正爲政。信賞必罰。號令肅然。嘗立章奏考成法。白帝行之。神宗初年。百度修舉。居正力也。會居正父卒。詔奪情視事。言路交起論之。皆得罪去。居正死。御史追劾其誣陷遼王罪。遂削爵籍沒。自居正沒後。張四維申時

行等皆務以寬大收士心。而紀綱稍稍紊矣。

神宗建儲

神宗長子常洛。王妃所生。寵妃鄭氏復生子常洵。神宗以羣臣言。立常洛爲太子。非其意也。常洵封福王。之藩洛陽。賜與甚厚。有無名子爲妖書。言神宗有廢立意。以推究不得。事遂寢。後太子居慈甯宮。有男子張差持梃入宮門。被執。訊之。事連鄭妃左右。妃恐。求解於太子。太子亦不欲窮其事。請速具獄。無株連。乃磔差於市。是爲梃擊之案。

大清之興

我朝先世居赫圖阿拉。京今興距盛京二百七十里。卽明代之建州右衛也。國號滿洲。明萬曆十年。諸部中有尼堪外蘭者。陰搆明兵圍古埒城。其城主阿泰妻我景祖女孫也。景祖聞

警。偕顯祖往救。並爲明將李成梁所害。時我太祖年二十五。起兵討尼堪外蘭。明人執以歸於我。明萬曆四十四年。太祖旣削平諸國。遂卽皇帝位。以是年爲天命元年。時惟葉赫恃明之援不服。太祖欲討之。乃先伐明。克撫順清河。明遣楊鎬督師。分四道出塞。我太祖覆其軍二十萬於撒爾湖。遂滅葉赫。明逮楊鎬治罪。以熊廷弼代之。

光宗嗣立

神宗崩。太子常洛立。是爲光宗。光宗初立。忽遇疾。有李可灼進紅丸。光宗服之。遂崩。閣臣方從哲。擬旨賚可灼銀幣。廷臣因爭劾從哲。從哲旋罷去。是爲紅丸之案。李選侍者。光宗妃也。光宗病篤。選侍欲封后。不果。及崩。選侍匿皇長子於乾清宮。東京太監王安。以計給而出之。羣臣奉之卽位。因迫選侍使移居曦巒。

宮。是謂移宮之案。合之梃擊。是謂三案。朝臣議論紛起。及魏忠賢亂政。遂借此以傾東林諸賢。作三朝要典。刊布中外。顧憲成

修聞宋風揚爭時附東好林書院以爲講之學之東林所黨

魏忠賢亂政

忠賢本名進忠。爲熹宗母王才人典膳。及熹宗卽位。有寵。與乳母客氏比。譖王安殺之。楊漣上疏劾其二十四大罪。忠賢請旨切責。其黨乃編東林黨人。繫以宋時淮南盜宋江等名目。因名曰點將錄。以授忠賢。令按名黜汰。由是善人無一免者。旋與汪文言獄。令誣引楊漣等諸人受熊廷弼贓。皆死獄中。熹宗崩。弟信王由檢立。是爲懷宗。忠賢放鳳陽。在道自縊死。詔磔其尸。客氏亦伏誅。

遼事之壞

初等小學中國歷史讀本

熊廷弼初至遼東。集兵爲固守計。明臣惡廷弼者。爭劾其不戰。以袁應泰代之。應泰吏事明敏。而治兵非其所長。多收降人置諸城內。及大兵至。降人爲應。瀋陽遼陽。相繼失守。應泰自焚死。復起用廷弼。巡撫王化貞不受廷弼節制。廷臣亦多右化貞者。廷弼徒擁虛位而已。大兵薄廣甯。化貞棄城走。遇廷弼於大凌河。盡護難民入關。大兵略地至中左所而還。乃以孫承宗督師。承宗在關四年。擴地二百餘里。而魏忠賢惡承宗去之。高第至。乃盡棄關外不守。獨袁崇煥守甯遠不去。大兵攻之不克。

天命十二年。太祖高皇帝崩。太宗文皇帝立。以明年爲天聰元年。明督師袁崇煥遣使來弔。並賀卽位。我朝亦遣使報之。屢議和不就。天聰三年。大舉伐明。逼燕京。崇煥兼程入援。

太宗惡崇煥欲去之。乃縱反間。爲書言與崇煥有成約。明懷宗信之。下崇煥獄。殺之。滿桂戰死。我朝移師而東。所至皆下。惟昌黎知縣左應選以固守得全。詔班師。以阿敏守永平。師還。所得州縣復爲明有。阿敏棄永平遁歸。

天聰九年。我朝平插漢部。得傳國璽。羣臣以功德隆盛。恭上尊號。曰寬溫仁聖皇帝。改元崇德。國號大清。惟朝鮮不肯推戴。太宗議伐之。乃先伐明以絕其援。遣阿濟格等由獨石口入逼燕京。凡五十六戰皆捷。及大兵破朝鮮還。命多爾袞岳託兩路伐明。明督師盧象昇戰敗死之。崇德六年。復攻錦州。洪承疇來援。敗入松山。踰年出降。懷宗大懼。決意議和。獨與陳新甲謀之。新甲旋獲譴。和議遂息。

大清平朝鮮


初天命四年。明兵四路來攻。朝鮮遣將姜宏立助明海蓋軍。明兵敗。姜宏立降。太祖歸其部將十餘人。朝鮮不報謝。又與明皮島守將毛文龍通。太宗遣阿敏征之。朝鮮乞和。約爲兄弟之國。天聰十年。太宗受尊號。獨朝鮮不肯推戴。太宗自將伐之。所至皆破。國王李倧恐。上書請成。詔獻出倡議。敗盟之人。及納明所給誥命冊印。質二子。奉正朔。倧頓首受命。乃班師。

流寇亡明

懷宗初年。陝西大饑。盜賊四起。馬賊高迎祥自稱闖王。李自成號闖將。與張獻忠俱隸迎祥麾下。後諸賊皆滅。迎祥亦就擒。張李二賊縱橫不可制。卒以亡明。自成初被圍於車箱峽。總督陳奇瑜縱之使出。自成遂由河南入陝西。據爲僞都。旋陷燕京。懷宗登煤山自縊崩。獻忠初降於熊文燦。復叛。由楚入蜀。殺蜀人

幾盡。後俱爲我朝所殲。明自太祖卽位。至亡。凡十六主。共二百七十七年。其後福王。唐王。桂王。相繼立。名爲三藩。延明祀者又十餘年。

明世系表



福王常洵十七—福由崧十八—唐王聿鍵十九
桂王常瀛—桂王由榔

大清定鼎

世祖章皇帝順治元年。四月。命攝政睿親王多爾袞爲奉命大將軍。帥師收山海關以外地。並經畧中原。時明李自成已陷京師。睿王行至中途。遇明甯遠總兵吳三桂遣使來乞師。因兼程赴之。自成自帥兵二十萬向山海關。擊吳三桂。又分遣二萬騎繞出關外。王令三桂先迎敵。戰方酣。英豫二王率鐵騎入陣。賊見之。皆驚走。自成乃屠三桂家。挾輜重西遁。王等入京師。九月。車駕發盛京。定都燕。頒詔中外。盡除明季弊政。

平定江南

燕京既破。明臣馬士英。史可法奉福王由崧立於南京。士英惡

可法出之。使督師於外。時明於江北分四鎮。高傑黃得功劉良佐劉澤清各專一鎮。福王庸闇。士英用事。引用魏忠賢黨阮大鍼掌兵部。朝政日紊。時我豫王之師已追流賊南下。李自成走死湖廣。大兵渡淮攻揚州。可法死之。江上兵皆散走。我軍遂渡江。直抵南京。俘福王殺之。江南悉定。

平定福建

唐王聿鍵。崇禎時起兵勤王。得罪。禁錮。福王立。釋之。南京陷。鄭芝龍黃道周等奉之入閩。遂卽帝位。唐王爲鄭氏所制。屢趣之出師。不應。及大兵至。芝龍出降。唐王出走至汀州。被執。同時魯王以海在紹興稱監國。大兵至。方國安謀執監國以獻。監國走免。後沒於臺灣。

平定雲南

唐藩既滅。桂王由榔立於肇慶。大兵定兩廣。桂王遁走。會降將金聲桓李成棟作亂。俱臣於桂王。王乃復至肇慶。已而二人俱敗死。兩廣郡縣盡復。桂王窮蹙。竄入土司境。初肅王豪格殄張獻忠於四川。其黨孫可望李定國竄入雲南。可望與定國交惡。乃納款於桂王。求封王。以服其衆。桂王封可望秦王。可望迎王居安隆。可望謀稱帝。桂王患之。乃遣使密告於定國。使以兵勦王。可望敗走。降於我朝。既而雲南亦破。王走入緬甸。吳三桂檄之以獻。死於軍前。

平定三藩

順治末年。四方大定。乃封吳三桂於雲南。尙可喜於廣東。耿仲明子繼茂於福建。三人者。皆以降將從征有功。繼茂卒。精忠繼之。皆擅作威福。不奉朝廷法度。聖祖欲革之。而未得其便。

會尙可喜爲其子之信所制。請歸老遼東。部議遂令其盡撤藩兵回籍。三桂精忠聞之。亦請撤兵以探朝旨。詔令徙藩山海關外。三桂遂反。自至湖南督戰。精忠亦反於福州。遣將出衢州。三桂旋稱帝於衡州。會三桂死。其孫世璠迎喪還滇。湖南州縣皆復。大兵遂分三路入滇。世璠窮蹙自殺。精忠亦兵敗出降。後復以謀反伏誅。之信初受三桂招討大將軍印。可喜聞之。發憤死。及三桂卒。始聽調遣。旋以謀逆賜自盡。

平定臺灣

方大兵定福建。鄭芝龍降。其子成功率其舊部侵擾海上。時桂王新立於廣東。遣使授成功招討大將軍印。封爲延平郡王。成功自江南敗還。適有人語以臺灣可取狀。時臺灣爲荷蘭所據。成功兵至。逐其守將而據其地。傳三世至克塽。幼弱不能蒞

國事。鄭氏遂敗。姚啓聖爲浙閩總督。薦水師提督施琅可用。康熙二十二年。琅統大兵至臺灣。克塽投降。

親征準部

準噶爾爲厄魯特蒙古四部之一。康熙中有噶爾丹者。殺其兄子自立。兼有四部。繼又以兵破走喀爾喀蒙古。喀爾喀率衆內附。聖祖詔噶爾丹返其侵地。不應。且與師闖入我邊界。聖祖下詔親征。大破噶爾丹於烏闌布通。噶爾丹遁走。旣而帥衆三萬入寇。聖祖復出塞。自按中路。以費揚古出西路。薩布素出東路。皆赴瀚海而北。噶爾丹望見御營。大驚。拔營而去。適我西路之兵。邀之於昭莫多。噶爾丹大敗。僅以數十騎遁走。初噶爾丹暴師在外。久不歸。其伊犁舊部。爲其兄子策妄所據。旣敗。無所往。部下多叛。聖祖遣使招之。噶爾丹倔强不肯至。遂

仰藥死。所部皆降。

俄人盟約

俄羅斯國至明始大。與中國以外興安嶺爲界。當明之末。大清方定黑龍江。俄羅斯東部曰羅刹者。亦踰嶺侵徧黑龍江北岸之尼布楚雅克薩二地。築木城居之。遂之不去。至康熙時。有荷蘭貢使在都。聖祖乃賜書付荷蘭。轉達其汗。復書請如約。踰年始與大臣索額圖會議於黑龍江。立石江畔。勒會議七條。至雍正中。始定約互市於恰克圖。

西南夷改流

雲貴川廣邊外多土司。所屬皆苗人。其受地遠者數千年。近亦數百年。皆自主其地。有司不能問。雍正初。鄂爾泰總督雲貴。上改土歸流之策。世宗韙之。鑄三省總督印。命鄂爾泰兼制

廣西。自四年至九年。規模略定。爾泰入爲大學士。苗疆復叛。以張照爲撫定苗疆大臣。照首倡棄地之議。會高宗卽位。召照還。以張廣泗爲七省經畧。廣泗號令嚴明。所向克捷。俘馘萬計。詔盡豁錢糧。永不徵收。以杜官胥之擾。其苗訟仍從苗俗處分。不拘律例。

平定金川

金川在四川邊外。有大金川。小金川。俱以山有金鑛得名。雍正元年。莎羅奔以功授金川安撫司。莎羅奔自號大金川。而以其婿爲小金川。莎羅奔攻旁土司地。官兵往彈壓。反爲所傷。命張廣泗討之。不克。訥親以大學士出視師。與廣泗不合。互相推諉。兵士解體。二人俱得罪死。以傅恆代訥親經略。莎羅奔聞大兵決計深入。恐懼乞降。詔赦其死。班師。乾隆十四年事也。

乾隆三十六年。金川復叛。詔溫福討之。溫福克復小金川。其酋僧格桑走依大金川。大金川酋索諾木納之。官軍攻之不克。溫福駐營木果木。不設備。索諾木使小金川土目陰煽故降番使爲亂。溫福營陷中鎗死。乃授阿桂定西將軍。盡復小金川地。因進攻大金川。又兩年始定。索諾木從莎羅奔出降。僧格桑先爲索諾木所斃死。

蕩平準部

噶爾丹之死。聖祖以其地難守。以畀其兄子策妄。復成西域一大部落。策妄死。策零立。雍正中。嘗入寇。策零死。其子那木札嗣汗位。童昏無行。有阿睦爾撒納。擁立其族子達瓦齊。後與達瓦齊有隙。遂來奔。備言伊犁可取狀。命班第永常兩路出師。達瓦齊素嗜酒。不設備。聞大兵至。出走被獲。時阿睦爾從征。

以功封親王。阿睦爾欲爲厄魯特四部總汗。不願受封爵。乘大兵凱旋。遂反。班第鄂容安死焉。會其諸部落互相吞噬。大將軍兆惠長驅而至。阿睦爾走入俄羅斯界。我朝移檄索之。會其患痘死。於是厄魯特全部皆破滅。闢地二萬餘里。

平定回疆

回部卽漢書三十六國。其始皆佛教。當明之末年。有回回教祖謨罕騫德之二十六世孫曰瑪墨特。始至其地。各部靡然從之。是爲西域有回教之始。傳至瑪罕木特。爲準部策零所執。瑪罕木特有二子。長曰布那敦。次曰霍集占。卽所謂大小和卓木者也。王師定伊犁。大小和卓木得釋。復與其衆謀叛。大兵至。和卓木兄弟走至巴達克山。其酋擒之獻於軍門。始設參贊大臣駐喀什噶爾。

用兵緬甸

緬甸漢朱波國。在雲南徼外。乾隆時始犯邊。總督楊應琚以奏報不實賜死。以明瑞代之。大舉征緬。明瑞行至象孔。迷失路。以糧盡引還。緬人悉衆追之。明瑞戰死。詔傅恆經略。阿桂阿里袞爲副將軍。累戰皆捷。深入二千餘里。緬人扼金沙江。樹柵死守。我師盡力攻之。緬人懼乞降。時瘴疫方盛。乃許其降。而緬人竟負約不入貢。旣而緬與暹羅交兵。聞暹羅受封。乃謝罪。乞賜封。詔封緬甸國王。

用兵安南

乾隆五十一年。安南王黎維祁爲其臣阮惠所篡。其家族遁入內地。兩廣總督孫士毅以聞。高宗命士毅出師討之。大破阮軍。入其東京。封維祁爲安南國王。詔令士毅班師。士毅欲俘

阮惠爲功。遲不發。又不設備。惠知之。傾巢來襲。士毅兵潰。走入鎮南關。提督許世亨死焉。阮惠懼誅。遣使入貢。請明年來朝。京師乞赦其罪。上以其辭意恭順。乃允其請。阮惠改名光平。親到祝釐。宴熱河山莊。班親王上。

綏服西藏

西藏在五天竺之東。其地皆崇佛教。明永樂時。有西僧至京師。封爲西天大善自在佛。然皆紅教。非黃教。黃教始於宗喀巴。生於永樂十五年。相傳既久。其勢遠在紅教上。其徒長曰達賴喇麻。次曰班禪喇麻。世世皆仍其號。康熙末年。西藏拉藏汗爲準夷所殺。達賴亦被拘。聖祖驅逐準夷。而返達賴於故地。以拉藏舊臣頗羅鼐主藏事。至乾隆中。爲廓爾喀所破。我朝征服廓爾喀。自是始以駐藏大臣治其國事。其規制略與內地等。

削平教匪

乾隆六十年。高宗皇帝行內禪禮。仁宗皇帝登極。是時白蓮教始作亂。白蓮教者。奸民劉松邪教事發。被捕遣戍。其徒劉之協繼之。緝之不獲。有旨大索。官吏奉行不善。波及無辜。於是民紛紛思亂。始起於湖北。散布湖南四川陝西河南各省。討之不克。嘉慶四年。高宗皇帝登遐。仁宗皇帝親政。用額勒登保爲經畧大臣。德楞泰爲參贊。賊酋徐天德王三槐姚之富等皆伏誅。劉之協亦就擒。時楊遇春楊芳俱以討賊立功。世稱二楊。

平蔡牽

安南阮光平父子以國用不足。招瀕海亡命。令劫內洋商舶。以助兵餉。謂之艇盜。及新阮爲舊阮所滅。盡逐國內奸匪。由是艇

賊無所歸。盡爲閩盜蔡牽所併。浙江提督李長庚追賊幾獲之。而閩督玉德信其僞降。縱之使去。詔逮玉德治罪。專任長庚討賊。長庚與賊戰於黑水洋。牽僅餘三舟。忽長庚遇礮而殞。詔以其部將邱良功王得祿分繼其任。二人合剿之於漁山。賊船僅餘三十賊。其餘船皆爲官軍所隔不得前。牽知無救。乃舉礮自裂其船沈於海。

平天里教

天里教又名八卦教。以妖術聚衆。河南滑縣李文成爲之首。滑縣知縣強克捷。請兵於巡撫高杞。不應。乃捕文成下之獄。刑斷其脛。賊黨破獄出文成。克捷遇害。賊遂據滑縣。林清者。亦天里教匪首。居京師。賄通內侍謀爲變。而約文成爲外應。文成以事急不能待。林清及期。則使其黨二百餘人潛入內城。內監導之

由養心門入。皇次子發烏銃連斃二人。留守王大臣兵至。賊悉就擒。仁宗時方駐蹕白澗。聞變回宮。是日擒林清於黃村。並其黨及通賊太監皆磔之。文成兵敗自焚死。

平張格爾

道光時。張格爾作亂。張格爾者。回酋大和卓木布那敦之孫。素以誦經祈福傳食各部。會南路參贊大臣斌靜以荒淫失衆心。張格爾遂作亂。陷喀什噶爾城。詔長齡爲揚威將軍。率楊遇春武隆阿討之。張格爾拒戰敗走。捕之不獲。官軍乃縱反間。言喀城空虛。張格爾信之。乃於除歲潛兵來襲。官軍嚴陣以待。張格爾覺之。復逃出柵。楊芳追至。禽之以獻。

禁煙開釁

鴉片煙產印度。初至中國。視藥材納稅。輸入不多。其後嗜之既

衆銷路日廣。遂爲耗費一大宗。道光中林則徐以欽差大臣蒞粵查辦。則徐令各洋商盡數呈繳。英商義律不可。斷其接濟以困之。義律懼。始呈出二萬數千箱。英人既失大利。心不甘。以兵艦泊港口。則徐防守嚴。英人見無隙可乘。乃改計圖浙。定海甯波皆陷。復率衆北犯。駛入白河口。廷臣爭咎則徐。竟褫職去。以琦善代之。琦善至。盡反則徐所爲。盡撤沿海防軍。英人遂復至廣東。燬礮臺。提督關天培死之。逮琦善治罪。詔奕山視師。已而英兵駛入內河。省城危急。奕山急賄和退師。踰年英將璞嘽。再陷定海。總兵葛雲飛王錫朋鄭國鴻俱戰死。復陷鎮海。督師裕謙自殺。英兵進陷乍浦寶山上海。提督陳化成殉難。總督牛鑑走免。鎮江旋陷。江甯告急。遣耆英伊里布赴江甯議和。始開上海廣州福州廈門甯波五口通商。

粵匪之亂

初粵東奸民朱九濤倡上帝會。花縣洪秀全往師之。九濤死羣推秀全爲長。官兵捕之。遂起事於桂平之金田村。是歲宣宗崩。文宗嗣立。起林則徐於家。治兵討賊。則徐道卒。賊遂不可制。咸豐元年。秀全陷永安。自稱天王。屢破沿江州縣。直趨金陵。陷之。據爲僞都。向榮自廣西追賊。駐兵孝陵衛。時東南所在告急。官兵四出赴援。賊因回攻大營。向榮退保丹陽。旋卒。賊勢愈熾。

是時湘人曾國藩以侍郎治兵長沙。別遣楊載福彭玉麟等創設長江水師。既而蘇常繼陷。兩江總督何桂清以聞警先逃。逮治罪。國藩代之。時胡林翼收復武昌。楚地畧定。國藩乃使其弟國荃圍安慶。而李鴻章一軍圍蘇州。左宗棠一軍圍浙江。既而

國荃克復安慶。進圍金陵。洪秀全見事急。仰藥而死。城陷。戮其死黨十餘萬人。其子洪福瑱逃至江西被獲。蘇州浙江亦先後克復。餘匪由閩入粵。左宗棠追破之嘉應州。於是粵匪之局結。

英法入犯

咸豐六年。葉名琛督兩廣。搜捕罪犯於英人船內。英人以與公法不合。欲面議其事。名琛不應。英人遂以兵陷廣東省城。虜名琛去。八年。與法人入犯天津。權立和約。罷兵。已而約竟不成。英法兵船闖入天津。僧格林沁禦之敗績。車駕幸熱河。恭親王主和議。俄使者居間調停。和議既成。俄人自以爲功。索酬於我。乃舉黑龍江北岸界之。東三省邊患始急矣。

平定捻匪

初皖豫鄉民。行儼然紙爲戲。謂之捻。其後奸人聚衆。因襲其名。

有張樂刑者。爲之魁。僧王僧格林沁破之。雉河集樂刑伏誅。其從子總愚代領其衆。僧王追之至曹州。遇伏而死。時髮匪已平。乃詔曾國藩視師徐州。國藩以賊善騎。率東西馳突以困官軍。乃依河道作長隄。爲困賊之計。國藩旋病免。以李鴻章代之。時賊分爲二。張總愚入陝西爲西捻。任柱賴汶光回山東爲東捻。後東捻爲郭松林劉銘傳所滅。西捻竄入山西。直犯畿輔。官兵驅之黃運之間。總愚危急投河死。

平定回匪

自道光中張格爾平後。至同治初年。回民復亂。陝甘兩省所在蜂起。以左宗棠爲陝甘總督。賊首馬化龍據金積堡。破禽之。宗棠乃進兵收復關外各城。時俄羅斯乘回部之擾。侵入伊犁。遣崇厚往索地。俄人要挾多端。崇厚不據以入告。擅從其請。廷臣

交章論奏。從重治罪。命曾紀澤往重訂新約。七年和議成。收回伊犁。八年改爲行省。

中法之役

光緒九年。法人以與安南有違言。奪取其東京。迫近我雲南邊境。詔駐法使臣曾紀澤詰之。且命李鴻章與法使議。俱不得要領。戰事遂起。我大將馮子材黃德榜大破法軍於諒山。法人請和。許之。師還。而越南遂入於法。方法事起。法將孤拔率舟師攻福州之馬江。我師不利。兵艦礮臺俱燬。法兵不敢登岸。尋退去。其犯臺灣者。亦爲劉銘傳所挫。

中日之役

初朝鮮人朴永孝出使日本。歆其國政之美。歸勸其國王請變法。其貴臣多不悅。由是國中分新舊二黨。新黨攻舊黨。乞日本

人爲助。我兵因助舊黨以退新黨。日本遣伊藤博文至天津議兩國各撤兵。嗣後派兵日本。互相照會。光緒二十年。高麗有東學黨之亂。討之不克。告急於我。我朝遣兵援之。日本見我兵出。亦以兵入朝鮮。我兵旣平東學黨。請日本撤兵。不應。兵燬遂啓。時我軍皆集平壤。日人來襲。左寶貴戰死。衛汝貴葉志超皆不戰而遁。日人乃以兵艦駛入黃海。管帶鄧世昌督隊猛攻。以無援而敗。提督丁汝昌舉軍降於日。日兵渡鴨綠江。直犯盛京。關外大震。詔以李鴻章爲全權大臣。與日本伊藤博文會議於馬關。始訂和約。以朝鮮爲自主之國。開沙市重慶蘇州杭州四口通商。割遼東半島及臺灣以畀之。償賠款二百兆兩。已而俄人以遼東之割不利於己。乃挾德法二國脅日人。以地歸我。日人不敢爭。惟增索賠款而已。已而俄假道滿洲。通西伯利

亞鐵道。德亦有索報之意。會二十三年山東教案起。德突遣兵據膠州。朝廷不得已。畫青島一隅予之。於是俄索旅順。英索威海衛。法索廣州灣。紛紛效尤。卒皆訂租借之約。此光緒二十四年間事也。

戊戌訓政

初 穆宗崩。無子。兩宮皇太后以醇親王子繼。文宗後。入嗣大統。是爲 德宗景皇帝。光緒六年。慈安皇太后崩。又九年。景皇帝親政。時中國瘠弱日甚。外人多所請乞。要挾百端。景皇帝勵精爲治。思變法圖自強。擢用新進之士。嚴飭中外諸臣力行新政。已而 景皇帝有疾。慈禧皇太后復聽政。

拳匪之亂

拳匪本無賴之徒。設壇演習刀棒。詭說有神術。能避槍礮。山西

巡撫毓賢信之。縱而不治。其徒益衆。所至以扶清滅洋爲名。毀教堂。戕教士。時端王載漪以其子立爲大阿哥。遂得與政事。誤聽毓賢之說。剛毅趙舒翹從而和之。因美其名曰義和團。袁昶許景澄俱以請加剿治。矯詔僇於市。匪入京師。殺德國公使。及日本書記生。環攻使館。各公使俱向其國告急。及聯軍兵至。天津不守。總督裕祿死之。聶士成力戰被殺。李秉衡受命視師。亦以倉猝敗死。德宗奉皇太后西幸。聯軍遂入京師。

兩宮回鑾

慶親王奕劻奉命回京。同全權大臣李鴻章與各國議和。約賠兵費四百兆兩。燬大沽礮臺。及天津城。拓京師各使館界。准各國駐兵防護。將從前庇匪之王公大臣從重治罪。悉允之。遣醇親王赴德。侍郎那桐赴日本。謝公使書記被戕之失。各國撤

兵退。德宗奉皇太后回京師。

俄日之戰


各國聯軍既退兵。俄獨據東三省。日本爭之。遂啟兵端。光緒三十年。日本大敗俄師。美國調停其間。兩國乃議和。於是朝鮮爲日本保護國。而旅順一隅。亦由俄人之手。以入於日本。

預備立憲

俄專制國也。既爲日本所敗。乃改立憲。我國懲於俄事。亦於光緒三十二年下詔預備立憲。三十四年。令各省設諮議局。予國民以參預本省政權。又頒布憲法大綱。期以九年實行。會德宗及慈禧皇太后崩。醇親王長子。入嗣大統。改元宣統。卽今上皇帝也。帝年幼。醇親王奉兩宮命。爲監國攝政王。今上既卽位。乃下詔。定於宣統八年。實行憲政。以繼先志。

國朝世系表

世祖章皇帝	改元順治	享國十八年
聖祖仁皇帝	改元康熙	享國六十一年
世宗憲皇帝	改元雍正	享國十三年
高宗純皇帝	改元乾隆	享國六十年
仁宗睿皇帝	改元嘉慶	享國二十五年
宣宗成皇帝	改元道光	享國三十年
文宗顯皇帝	改元咸豐	享國十一年
穆宗毅皇帝	改元同治	享國十三年
德宗景皇帝	改元光緒	享國三十四年
今上皇帝	改元宣統	



初 等 小 學 堂 用 書

<p>學部 修身教科書十册 每册一角 審定 修身教科書教授法十册 每册一角 學部 修身教科書掛圖二十甲 已發 每份六元 學部 第一册掛圖 乙未發 每份五元 簡明修身教科書二册 每册六分 簡明修身教科書教授法二册 每册八分 林琴 小兒語述義 三角 學部 國文教科書 第一册 每册一角半 審定 國文教科書 第二至十册 第一册每册四角 審定 國文教科書教授法 第二至五册每册三角 審定 國文教科書教授法 第六至十册每册四角 簡明國文教科書二册 每册八分 簡明國文教科書教授法二册 每册三角 女子國文教科書二册 每册一角 女子國文教科書教授法二册 每册三角 女子國文讀本 一角半 國語教科書四册 每册一角半 文學初階一三四册 每册一角半</p>	<p>總理學務普通珠算課本 一角 學部 珠算入門第二册 二角半 學部 珠算教科書卷上二册 每册一角半 學部 珠算教科書卷下二册 每册一角半 學部 珠算教科書教授法卷上 五角 學部 珠算教科書教授法卷下 五角 學部 筆算教科書前二册 每册二角半 學部 筆算教科書教授法 一二册每册三角 學部 筆算教科書掛圖十六幅 每份二元五角 審定 筆算教科書掛圖十六幅 每份二元五角 算學練習簿 五分 普通新歷史 一角二 中國歷史教科書二册 每部一角半 學部 中外國地理教科書二册每册一角半 審定 中外國地理教科書三四册每册一角半 格致教科書二册 每册一角 格致教科書教授法二册 每册二角 格致課本二册 每册一角 格致課本教授法第一册 一角半 習字帖第一三四册 每册八分</p>	<p>習畫帖教員用一册 每册七角 習畫帖學生用八册 每册七分 最新毛筆習畫帖八册 每册七分 又教員用一册 二角 學部 畫學教科書 五角 審定 畫學教科書 五角 閱畫練習簿 五分 手工教科書第一册 一元 小學唱歌教科書三集 每册三角 女子新唱歌教科書二册 每册三角 唱歌遊戲 二角半 手風琴教科書 三角 舞蹈遊戲 四角 體操教科書 四角 小學體操詳解二册 每部九角 五彩精圖方字附教授法 八角 簡易修身課本 一角 簡易國文課本二册 每册一角二 簡易歷史課本 一角 簡易地理課本 一角 簡易數學課本二册 每册一角半 簡易格致課本 十角</p>
---	--	--

第 一 號

3764

行 發 館 書 印 務 商 海 上

小學

簡明國文教科書

第一

二册每册八分
三四册每册一角
五至八册每册一角二分

教授法

第一二册各三角
三至八册續出

初等

女子國文教科書

第五

册至四册每册一角二分

教授法

第一二册各三角
三至八册續出

本館所編國文教科書頗承學界許可疊版數十次印出百萬册
茲特更編此二書一切體例與前書相同其特異之點有六

一 程度較淺課數較少

一 文字期與語言吻合

一 各課生字務求平均

一 前二册特加練習文

一 楷書端正以便習字

一 定價低廉以期普及

編輯者

蔣維喬沈頤
莊俞戴克敦

校訂者

高鳳謙
張元濟

發行者

商務印書館

呂氏父子所著小兒語以淺俗之
 言闡發至理最足感人林氏演爲
 述義語語針對近今社會立言尤
 爲有關世道人心之作誠小學修
 身科之材料也

林 紆 小兒語述義

著 伊 索 寓 言

每部三角 商務印書館

是書爲希臘名家伊索氏所著藉
 草木鳥獸問答之言描寫人情世
 態使人知所勸懲泰西各國無不
 用爲課本譯者詞筆雋雅並附案
 語發明真意

第二十二號

宣統元年正月初版

(初等小學中國歷史讀本一冊)

(每冊定價大洋貳角伍分)

編輯者 侯官 吳曾祺

發行者 商務印書館

印刷所 上海北河南路北首寶山路 商務印書館

總發行所 上海棋盤街中市 商務印書館

分售處 京師 奉天 天津 開封 漢口 濟南 重慶 成都 廣州 福州 長沙 大連 商務印書館分館

※翻印必究※

